

讀  
春  
秋  
管  
見

凝園讀春秋管見卷之七

慎齋羅典徽五氏定稿

宣公

男紹邾孫

善恕賢校字  
綸

元年

春王正月公即位

公子遂如齊逆女

管見去年秋公子遂叔孫得臣如齊以欲立宣公而請昏于齊以定之也冬十月季孫行父如齊以齊既許昏而使

之納幣。亦即並其送女之期而請之也。

# 三月遂以夫人婦姜至自齊

**管見**公羊曰。遂何以不稱公子。一事而再見者。卒名也。其夫人稱婦何。有姑之辭也。是矣。至中間謂夫人不稱姜氏。貶曷為貶。喪喪娶也。喪娶者。公也。則曷為貶夫人。內無貶于公之道也。內無貶于公之道。則曷為貶夫人。夫人與公一體也。此意未免過曲。蓋姜即夫人之氏。以欲明其有姑而稱婦。則謂之婦姜而省氏字。於文法應圖豈削之以示貶乎。又如。有姑則稱婦名之正也。說者乃謂夫人出姜既絕而歸齊。婦安得姑。書婦姜欲以著敬嬴之為妾母而欲速以姑自居也。按之經文亦不必為確見。惟家氏鉉翁曰。夫人非大夫所得以也。挾齊執君娶齊女為簒君之婦。書以者著其罪也。是為得之字。某能左右之曰。以此年春正月。公子遂如齊送女。三月不書夫人婦姜至自齊。乃書遂

以夫人如姜至自齊只玩一以字而其情狀之專橫無封  
已畢見矣。茲公子遂於僖公為兄弟行。又子宣公則視之  
為祖。分已極尊。且其先歷事兩君主兵擅政。名著於  
春秋首領三十六年。及茲私于敬嬴。將謀殺太子赤而立  
宣公。此屬作何等事。而其事竟成。耶。彼先度于齊侯。新立  
必務結魯。乃因之請昏于齊。以借其勢。而齊侯亦即許昏。  
是遂能以齊侯女制齊侯矣。由是而反于魯。太子赤猶是  
齊甥也。以殺之而卒。赤之母為夫人姜氏。猶是齊女也。以  
出之而歸魯。何有于顧忌哉。至于魯臣若叔孫得臣及季  
孫行父。則皆隱忍供其驅役。莫敢違也。觀公子遂之於  
叔仲彭生。初以欲立宣公示之意。彭生不可及遠方殺赤。  
子卒。旋以君命名彭生。彭生至。遂則殺而埋之。馬矢之中。  
叔孫得臣其兄也。絕不能以一言救之。使止於後亦不聞  
其譬遂。況季孫行父之權力遠遜于叔孫得臣。而能不惟  
遂之命是聽哉。值此年春正月。公即位。旋娶夫人。公子遂  
如齊逆女。魯之取齊女者。久為公自逆之矣。而今獨以卿

逆。齊女之歸。亢。豈易與耶。昔桓公三年。娶文姜。秋七月。公如齊。逆女。九月。齊侯送姜氏于誰。公會齊侯于誰。夫人姜氏至自齊。誰雖魯地而瀆于齊。是特要公以遠逆也。至莊公二十四年。娶哀姜。夏。公如齊。逆女。是又越疆而至。齊都。以逆之矣。逆之愈遠。而女之至愈難。秋。公至自齊。非以女俱至也。八月丁丑。夫人姜氏入。亦非由公導之使入也。曾何知有婦人從人之義乎。若文公之四年。娶出姜。則尤有異焉者。公亦如齊。逆女。而不得稱女。逆女于齊。將以為魯夫人。而亦不得稱夫人。則但以為逆婦姜于齊耳。其故維何。穀梁曰。禮成于齊。是殆然矣。儿女在國。稱女。禮成于齊。則既為夫人。誰復以女稱乎。逆女入國。稱夫人。禮成于齊。雖實為夫人。而未入魯。又誰得以夫人稱乎。蓋魯自娶文姜。哀姜以及出姜。齊女之歸。亢。日甚。如昏之六禮。納徵。即繼以請期。文公二年。公子遂如齊。納幣。即納徵也。以後當請期矣。何以更開一年。及四年之夏。而始逆婦姜于齊哉。實由出姜不受命于歸。而欲致公以就昏。此為公子遂。

之與其事而親見之者至是為宣公逆女于齊公既不自  
逆而女之于正月逆者亦即于其三月至焉則胡以得此  
于勝亢日甚之齊女乎以公子遂之專橫無對實能以之  
而夫人婦姜之至自齊逆若為之提挈扶持而使莫能以  
相傲也則得仍指為文公時如齊納幣之公子遂哉遂能  
以夫人婦姜而無不足則遂之以魯君宣公乃更有餘矣  
宣公既心折于遂之立已亦何能不魂驚于遂之殺赤廢  
之立之殺之生之一皆其所能左右也然則謂春秋書以  
為著其罪寧獨指夫人非大夫  
所得以者於公子遂坐之罪與

## 夏季孫行父如齊

管見左傳曰季文子如齊納賂以請會胡傳曰經有不待  
問而著者此事以觀斯得矣下書公會齊侯于平州則知  
此會行父請之也又書取濟西田則知其請蓋以賂也余  
氏光曰傳謂納賂請會也趙氏謂拜成婚也李氏熊曰以

拜婚之禮。行的。賂之事也。按拜婚納賂。並言能通前後經文為一串。此最得解。

# 晉放其大夫胥甲父於衛

管見前文十二年傳。秦晉戰于河曲。秦特適。史駢請薄諸河。胥甲父與趙盾當軍門呼而止之。故此宣之元年。放胥甲父于衛。傳亦以為討其不用命也。論之者。率因以辨晉之不並放穿。斥為趙盾庇之而已。惟吳氏澂曰。河曲之戰。及今八年。豈有不用命之罪。八年而後討哉。必胥甲父以他事取惡于趙盾而逐之也。又汪克寬曰。放胥甲父者。弑夷。舉之兆也。此二說得經文正旨。蓋趙盾之專為靈公所深忌。明年秋九月。蓄趙盾弑其君夷舉。傳叙其被弑之由。謂靈公初使力士鉏麇刺趙盾于其家。鉏麇廢命死。繼又飲趙盾酒。伏甲將攻之於朝。提彌明扶盾以下。公嗾夫樊焉。明搗殺之。伏甲出。明闕死。靈輒倒戟以禦公徒。盾得脫。此豈出自靈公一人獨謀。亦即。以一時。於新。戎胥甲父為

晉臣之子。晉臣亦號司空季子。昔從晉文出亡。與狐偃趙衰並有功。晉文立。城濮之戰。晉臣佐下軍。以晉襄六年卒。子胥甲父繼事靈公。戰于河曲之役。胥甲父與焉。亦佐下軍。其班居末。未得進。殆以不屬趙盾之黨而為其所黜也。此靈公所由得私之以圖趙盾者。與然靈公之左右皆為趙盾耳目。有臣胥甲父而陰與其君共圖盾。豈或不知盾知而使人伺之。即於其入出于朝而執之。不敢逆殺。亦斷不欲縱之出奔。則惟主于放。以加之禁錮。即置于衛以定其處所焉耳。何以必主于放。前文之六年。晉狐射姑出奔狄。七年。晉先蔑奔秦。士會從之。至十三年夏。傳稱六卿相見于諸浮。趙宣子盾曰。隨會。在秦。賈季在狄。難日至矣。若之何。賈季即狐射姑。隨會即士會。其出奔所在。皆足以生難。而為國憂。又可使胥甲父得以出奔乎。故必放也。書言流。共工于幽洲。放驩都于崇山。注謂流者。使之遠去。如水之流也。放者。置之於此。不得他適也。流據其放之。不返言放。據其流之。既極言其實一而已矣。此言放不言流者。書



亦言五流有宅。五宅三居。孔氏以為大罪居于四裔。次則九州之外。次則千里之外。今晉放其大夫胥甲父于衛。衛之距晉約數百里而止。並與千里之外不合。又況遠至九州之外。與其四裔也哉。惟所放之適里未嘗與五流同。故不指為流。惟放之而使莫能返其國。亦即莫能更適他國。則與流之宅而居之同。故獨指為放。爾何以必置于衛。衛地居四方之中。晉以胥甲父放之於此。西既無由入秦。東亦無由入齊也。北既無由入狄。南亦無由入楚也。以衛終焉而已。且是時之衛侯鄭先由晉文執而歸之京師。踰年乃復其國。雖怨晉終忍而事之。歷襄及宣而晉臣趙盾者將視晉君為有加。惡得不奉命。惟謹哉。及是而放胥甲父于衛。趙盾固度其必無脫於陳侯。逸於放縱者。衛之外皆無足深恃也。

# 公會齊侯于平州

（管見）不書公及齊侯會于平州者，以齊侯既納濟西之賂，則期以會于平州而肯來。而公之欲會齊侯于平州者，亦不憂其弗遇也。曲禮云：諸侯未及期，相見曰遇。相見于郛地曰會。注謂下言相見及期日也。郛地，閭陳之地也。此言會於平州，杜注平州齊地在泰山牟縣西，今萊蕪縣西有平州城是，即可指為郛地矣。公何以必會齊侯？欲以此成其為諸侯耳。蓋公初娶齊侯女為夫人，人或謂公為齊壻，壻有子道，豈得遽與齊侯同列？以統稱諸侯哉？于時蓋由公子遂謀之，先使季孫行父如齊，以濟西田賂齊侯，欲齊侯有以寵公，不以子壻之禮屈之。特依諸侯期而相見于郛地者，為之禮是則會也。會則得與齊侯同列而成其為諸侯矣。其會所則當以齊之平州為請，取其與魯境毗連也。及季孫行父歸自齊，知齊侯貪其賂，迫欲取濟西田，遂許如行父言，會有期矣。齊侯至平州，因是公往從之，即得會齊侯于平州也。

# 公子遂如齊

〔管見〕公子遂如齊拜平州之會之既成也。是時齊侯當問濟西田矣。

## 六月齊人取濟西田

〔管見〕前僖公三十一年春取濟西田取之于曹也。其不繫之曹則本為魯田耳。本魯田而為曹有。所由來當在春秋以前。至僖公時晉文始霸伐曹執曹伯分曹田以與宋人。又令曹班其所侵地于諸侯故魯有濟西田而為曹所侵魯特請于晉而以晉命取之也。取濟西田以後及宣公元年凡歷二十二年矣。乃忽舉以賂齊而使齊人取之豈以此濟西田者今為齊所有猶之昔為曹所有國于魯無所損乎。魯不惜田而以賂齊其意之所主徒欲得公之會齊侯于平州已也不會何害會之何補既誤君而復失地此在恃權之公子遂及圖事之季孫行父其負罪為已重。

矣。尚何問其先之大逆不道者。而  
皆殺太子赤而迎夫人姜氏也哉。

# 邾子來朝

管見前文公十三年邾子貜卒。子貜且立。十四年春邾  
人伐我南鄙。叔彭生帥師伐邾。邾不利而退。豈能無怨于  
魯哉。及茲宣公元年而邾子乃來朝者。殆以有所憚于公  
子遂故爾。前僖公三十三年夏公伐邾。取訾婁。秋公子遂  
帥師伐邾。其用兵多詭譎。禦之大不易。此其所夙諳者。至  
邾子接為君。人莫敢有異。叔彭生先嘗伐邾。亦邾之勦敵  
也。徒以不同廢立之謀。召而殺之。埋于馬矢之中。其成也  
豈可揆乎。惟計此年夏公會齊侯于平州。是齊侯不因公  
娶其女而以子圻屈之直引為同列。而以賓客遇之也。齊  
為大國。邾為小國。魯有強臣公子遂新立之君。大國既與  
之會。而小國亦從而朝焉。夫非公與公子遂之所願欲而

惟恐不得者哉。邾子之  
未朝。所國度常不外

# 楚子鄭人侵陳遂侵宋

管見楚莊以文之十六年秋滅庸。鄭伯知其將霸。即已貳  
于楚矣。故十七年夏諸侯會于危。晉侯不見鄭伯。而以貳  
于楚讓之。鄭為書以告趙盾。其卒曰。居大國之間。而從于  
強。令豈其罪也。大國若弗圖。無所逃命。晉無辭以服鄭。使  
鞏朔行成于鄭。趙穿公壻池為質焉。鄭太子夷石楚為質  
于晉。然觀後稱趙穿帥師侵崇。是何嘗與公壻池留于鄭  
耶。趙穿公壻池不在鄭。鄭之太子夷石又何嘗與石楚入于  
晉耶。交質不信。則鄭之舍晉從楚。前既不諱。言後復公然  
行之矣。值茲宣公元年秋。經特書曰。楚子鄭人侵陳。遂侵  
宋。蓋謂楚實主其兵。而鄭則同惡以相濟也。楚自莊王滅庸  
以來。遂欲卒就其志。北方方可圖之志。是時唯蔡與楚偪近  
久服于楚。因是之趙盾。以諸侯同盟于新城。蔡適不與

以然而鄭亦次于強令不討而自服此國霸者所必爭之地也鄭與宋國相望於是楚乃因鄭以侵陳遂侵宋欲一舉而兩及之但使陳與宋懼而請成與鄭俱服曹衛固不足謀矣此其所以收合北方者不己幾于過半乎哉楚莊之志蓋如此或者疑其將霸遂以理害楚子而不同于鄭之稱人即為與其能霸之辭則非也按曲禮云其在東夷北狄西戎南蠻雖大稱子楚本子爵方下于鄭之稱伯又況等而上之如陳之稱侯宋之稱公昔與蘇欽以楚雖小子而式宏大乃特以子目之使其偕王稱夏之罪絕無可解免耳庸得謂為與其能霸乎至于鄭之密邇周畿為王室懿親乃甘心俯首蠻邦而為所驅役是誠不得齒于諸侯也貶而人之固宜

## 晉趙盾帥師救陳

晉見陳在宋南與蔡接壤較宋為近楚經書晉趙盾帥師救陳則救宋不言可知矣且其不言救宋者楚侵宋之師

已退亦並去陳故晉趙盾之師直過宋而至于陳以云救陳而已其實未嘗與楚師遇也不過楚師又豈得遇從楚之鄭師乎

# 宋公陳侯衛侯曹伯會晉師于榘林伐鄭

晉見晉趙盾帥師救陳楚師已去晉無如楚何則以鄭之貳于楚者實故使陳及宋之蒙必移師以伐之乃使陳宋之為楚所侵者以師會並使衛曹之近宋而亦懼為楚所侵者皆以師會也其會所在鄭地之榘林今河南新鄭縣東二十五里之林鄉城是已鄭本有罪故前貶鄭伯而稱人此伐鄭為有名是宜並存其爵而曰宋公陳侯衛侯曹伯也至其會晉師于榘林與鄭都偪近于時趙盾主兵其卒亦但言伐鄭而已此又如鄭何哉蓋鄭之從于強令其應變之本計固然若當隨時酌度其所制強亦非有定也茲日者脫使晉楚並以師至楚莊將霸諸侯鄭當以楚為

強而從之。通值此晉師獨至而楚師不至。晉趙盾之威震  
晉君。鄭亦當以晉為強而從之矣。以故深望固軍守而不  
出。特使行人請成于趙盾以求退師。謹待其命焉。爾彼來  
公陳侯衛侯曹伯雖會晉師于欒林。不可以入趙盾。豈能  
遽帥之以滅鄭哉。鄭未能遽滅則不獲已而與趙盾成矣。  
師有名而無功。則但言伐鄭以譏其無如楚何者。亦復無  
如鄭何也。

## 冬晉趙穿帥師侵崇

管見明年二月秦師伐晉傳謂報侵崇也。則崇之為秦邑  
可知。公羊易崇作柳。指為天子之邑。未見所據。致崇本夏  
時扈國殷為崇侯虎之國。文王滅崇作豐邑。即此地也。今  
為郿縣。屬陝西西安府。距府七十里。在終南山之陽。自崇  
而南約二百三十里。至今陝西之商州。明志春秋屬晉。終  
南山起商州之藍田。連亘西安之咸寧。長安。藍屋。共四縣。



之境而崇之為鄠縣者在其陽焉則晉自今之商州以侵崇此即其潛師而行之道與晉何以必侵崇今陝西之興安府去西安六百八十里北界鎮安縣屬商州則晉鄠也東界湖北之鄖陽府鄖陽本庸國明志亦載興安為周庸國地前文公十六年秋楚人秦人巴人滅庸必三分庸地楚在庸東常有庸地之屬湖北鄖陽者巴在庸西亦得有庸地之屬四川夔州者至于秦在庸之西北是必得有庸地之在陝西興安者矣自是楚與秦之使命往來繞出周晉之後中國莫得聞從可知趙穿之帥師侵崇非主于伐秦以取其邑特欲從晉鄙之商州出而作之險難因以阻絕其行人必由之徑隧焉爾其謀亦必出于趙盾趙穿則為其所驅役者

## 晉人宋人伐鄭

晉見此年秋宋公陳侯衛侯曹伯會晉師于渠林伐鄭鄭堅守不出卒與鄭成而還晉實主之宋終不能忘情于鄭

之役。楚侵陳而遂侵宋也。於是以其冬復伐鄭。此特宋之志耳。而宋仍請以晉主兵。晉許宋乃與之共伐鄭焉。彼宋之請者為誰。宋華元也。晉之許者為誰。晉趙盾也。于時晉侯。宋公皆莫能自主。君失權而不君。臣專命而不臣。故春秋一例貶之。書曰。晉人宋人伐鄭。

## 二年

春王二月壬子宋華元帥師及鄭公子歸生帥師戰于大棘宋師敗績獲宋華元

晉見去年冬。書晉人宋人伐鄭。本宋之志。特請以晉主兵。不必借之以戰也。故此年春二月壬子之戰。只書宋華元而已。宋華元帥師伐鄭。鄭公子歸生帥師應之。亦不必迫求與宋戰也。而宋華元則汲汲秋之。劉氏敞曰。戰而言及。

之者主之者也。猶曰宋華元為志乎此戰也。云爾。是時宋之戴族四氏華氏為首。華元為右師。冠于六卿。又華耦為司馬。與國人謀弑宋公杵臼而立文公鮑。見魯文公十六年傳。其傳末稱文公鮑即位。使母弟湏為司城。華耦卒。而使蕩虺為司馬。然則華耦至此宣之二年。固已前卒矣。華氏無司馬。其威不立。可知此帥師伐鄭。固華元所當踴躍以從事者。因是及之。而戰于大棘。杜注。大棘。陳留襄邑縣。今河南歸德府睢州西。曲棘。有棘城。又寧陵縣西南。有大棘城。亦與睢相近。按睢州寧陵皆屬宋地。此為宋伐鄭。又華元及之以戰。豈得謂其不及於鄭而及於宋乎。是蓋因左傳稱鄭公子歸生受命于楚以伐宋。故以大棘指宋地言。而其實非也。今葉纂分載列國地名。鄭有上棘。又有棘澤。如襄公十八年。楚公子午帥師伐鄭。次于魚陵。右師城上棘。二十四年。楚子伐鄭以救齊。門于東門。次于棘澤。是已。上棘在今禹州。禹州為鄭之標邑。棘澤在今開封府新鄭縣東南。此雖不若寧陵之直得大棘城者。亦寧有異。

可。雅州。山。棘。里。之。單。稱。棘。城。者。哉。上。棘。棘。河。皆。在。鄭。以。此。  
兩。地。相。較。上。為。下。之。對。大。為。小。之。對。其。相。近。則。上。棘。或。  
通。稱。大。棘。在。後。之。求。大。棘。而。不。得。者。亦。倒。以。其。棘。當。之。也。  
可。宋。師。敗。績。大。奔。也。詩。言。不。績。其。麻。卽。俗。所。稱。亂。如。麻。耳。  
敗。師。敗。而。大。奔。曰。敗。績。獲。宋。華。元。獲。為。得。禽。之。名。易。曰。田。  
有。禽。利。執。言。執。則。獲。矣。師。敗。績。而。其。將。亦。復。獲。焉。彼。卒。徒。  
之。殺。傷。與。其。俘。掠。尚。可。問。乎。若。其。致。敗。被。獲。之。由。傳。謂。宋。  
華。元。殺。羊。食。士。其。御。羊。斟。不。與。與。入。鄭。師。故。敗。此。何。足。道。  
哉。竊。意。宋。非。鄭。敵。宋。華。元。亦。非。鄭。公。子。歸。生。之。敵。也。鄭。為。  
四。戰。之。國。於。戎。事。較。練。習。又。其。料。敵。為。甚。密。如。去。年。秋。宋。  
公。陳。侯。衛。侯。曹。伯。會。晉。師。于。柴。林。伐。鄭。此。晉。趙。盾。之。志。也。  
知。其。不。可。與。戰。則。堅。守。請。成。及。冬。而。晉。人。宋。人。復。伐。鄭。此。  
則。宋。華。元。之。志。也。晉。之。主。兵。特。其。名。耳。是。猶。可。以。不。戰。而。  
聽。鄭。之。為。宋。弱。與。戰。而。宋。師。敗。績。並。獲。宋。華。元。在。鄭。公。子。  
歸。生。之。為。將。殆。皆。其。所。籌。及。者。觀。春。秋。於。此。年。二。月。壬。子。  
書。宋。華。元。帥。師。及。鄭。公。子。歸。生。帥。師。戰。于。大。棘。只。一。及。字。

中。使。兕。宋。師。輕。而。鄭。師。整。宋。師。勞。而。鄭。師。逸。鄭。公。子。歸。生。主。於。以。整。遇。輕。以。逸。待。勞。宋。師。惡。得。而。不。敗。績。宋。華。元。惡。得。而。不。並。獲。哉。

# 秦師伐晉

管見此以報晉趙穿之侵崇也。惟秦之聲罪致討曰伐。與晉之潛師掠境曰侵。其名較為正耳。至于傳稱秦師伐晉。遂圍焦。而經文則畧而不書。意蓋譏秦之昧于公義而逞小忿。徒以趙穿之侵崇。而思報之。其實侵崇之趙穿。即其將為趙盾弑君之趙穿也。而晉方養其惡以待焉。乃特深惜秦師伐晉不得。因報其侵崇而遂有以執趙穿而誅之也。彼圍焦惡足云哉。焦杜注晉河外邑。括地志。陝縣有故焦城。今在河南府陝州城內。

# 夏晉人宋人衛人陳人侵鄭

管見此年春二月宋華元帥師及鄭公子歸生帥師戰于大棘宋師敗績並獲宋華元以歸度鄭伯處此獻俘而後不得加誅則終為繫囚而已敗軍之將復何能為乃縱之使逃耳左傳謂宋以兵車百乘文馬百駟賁華元于鄭宋師敗績其不能辦此必矣又何得云半入而華元逃歸也哉華氏前執昭公杵臼而立文公馳華元為宋右師及茲敗績于鄭而被獲獲而逃歸文公德華氏之立已而不能罪之則華元仍當為右師矣能不亟謀有以雪恥乎由是如晉乞師且因晉令以會諸侯之師欲以報大棘之役也此年夏趙盾自將晉師宋以之主兵其宋師則猶是華元帥之矣至諸侯之前會晉師于棗林以伐鄭者惟晉師不至耳此外若衛與陳皆應期而畢集彼當時之大夫而為國卿早交政于中國卿將一如其君將也以此臨鄭不亦足以鉅罪而致討乎乃春秋言此先于晉宋衛陳率一例人之既却其微不足數又不言伐鄭而曰侵鄭特比于潛師掠境者然蓋統譏其畏楚而還云爾夷之可畏不必正

當楚莊也。左傳言楚使鬬椒救鄭。鬬椒曰：能欲諸侯而惡其難乎？遂次于鄭，以待晉師。何其辭之壯若此！四國之畏楚而遠，只微諸主兵之晉趙盾可也。左傳既言楚鬬椒之次于鄭，以待晉師，而即繼之以趙盾曰：彼宗競于楚，殆將斃矣。姑孟其疾，乃去之。又何其辭之適若此。

## 秋九月乙丑晉趙盾弑其君夷皋

管見書趙盾弑其君，正賊也。其為趙盾行弑之趙穿，罪可逭乎？曰：不可。春秋於趙穿攻靈公于桃園之先，已著其惡之當誅矣。去年冬，晉趙穿帥師侵崇，今年春，書秦師伐晉，即以報趙穿之侵崇也。然不書秦師，則其衆正不書侵晉而書伐晉，則其名正。惟是主于報其侵崇以淺忿，未得誅侵崇之趙穿以去凶於此，師為失用於此，伐為無功耳。讀者但據秦師伐晉一句，推求言下不盡之意，其陰謂趙穿之當誅，早矣。迨春秋之齊錢也，且嘗以秋君必

書趙盾而遂置趙穿于不問哉。問趙穿之罪者。猶當于  
其未及弑君而早斷之。況于既當弑君以伺惡于趙盾其  
為罪不容于死  
尚何待言哉。

## 冬十月乙亥天王崩

晉見此年冬十月乙亥書天王崩。明年春正月書葬匡王。  
意欲與前頃王之崩葬皆不書者。互相發明耳。至以前數  
王之崩葬或皆不書。又或皆書。其義例各見。非可執一也。  
頃王以魯文公八年立。十四年崩。凡在位六年。其元年書  
毛伯來求金。非頃王實使之耶。而初不稱王者。彼毛伯為  
王朝貪冒之世卿。而王以之來求金。已不成其為王矣。其  
二年又書及蘇子盟于女栗。非頃王實許之耶。而仍不稱  
王者。彼蘇子為王畿畔亂之故侯。而王及之盟于女栗。並  
不成其為王矣。計春秋以來。於王或有當貶。惟王不稱天  
而已。至於頃王。則王之稱亦削之。於是頃王之崩。不得稱



天王崩。乃不書崩。其自崩而葬。亦不得稱葬。頃王乃並不書葬也。至于匡王繼頃王立。起魯文公十四年。及宣公二年。其在位六年之數。與頃王同。而綜其行事。未嘗有若頃王之使毛伯來求金者。亦未嘗有若頃王之蘇子盟于女栗者。是則周室雖衰。王之紀綱不振。王之統尚存。以故其崩。書天王崩。其葬亦書葬。匡王有哉。然不與頃王同者。此以周之後。王葬之。只比頃匡兩朝十二年。中春秋於崩葬。示以予奪黜陟。堯不可假。豈得不凜然有所法戒也哉。

### 三年

春王正月郊牛之口傷。改卜牛牛死。乃不郊。

管見郊牛之口傷則于牢而莫能芻之是當改卜牛矣  
禮記郊特牲云帝牛不吉以為稷牛為用也郊必以稷配  
帝牛稷牛皆在滌中若至期牛有死傷即用稷牛以為帝  
牛帝牛必在滌三月故以稷牛代之稷牛惟具可別選也  
此稱改卜牛者即改卜稷牛以為帝牛焉爾改卜牛而牛  
又死則不可得在滌三月之帝牛矣魯雖欲郊而無所用  
之以郊者乃不郊

## 猶三望

管見天子四望祭四方也魯用天子之禮而闕其一以稱  
三望者魯既保彼東方惟使益以南方西方北方為三望  
則亦猶然四望矣避四稱三差別于天子耳不郊猶三望  
從前僖公三十一年之例也但彼以夏四月四卜郊不從  
乃免牲免牲則不郊而猶三望者以郊重而三望輕郊不  
宜于四卜不從之後而更禱三望則猶可專卜而取其吉

也。猶字從卜。轉出。至此宣公三年春正月郊牛之口傷。改卜牛。牛死。乃不郊。是豈嘗卜郊而不從乎。亦獨以郊牛之或傷或死。而牲不具耳。其猶三望者。猶字又從牲。轉出。以為郊牛必在滌三月。稷牛惟具。則三望之牛亦惟具而已。不郊則稷無所配。至于三望。不猶可以牛之惟具者。即乘此卜郊而從之。日以將事哉。此其不欲與郊俱罷之意。亦仍以為郊重而三望輕也。然皆出于臆定。於禮何居。

# 葬匡王

管見禮。天子七月而葬。去年冬十月乙亥。天王崩。及此年春正月。合之。終四月耳。何以遂葬匡王也哉。蓋以匡王崩。其弟定王瑜立。哀慕之情淺。而更代之意迫。故當定王改元之始。月即為匡王登假之終。月有欲更緩其葬而不得者。且匡王將葬。則諸侯之會葬亦當來集也。昔成王崩。康王在喪。諸侯至。王麻冕黼裳受冊命。卜殯。前畢。諸侯出廟。

門侯王出在應門之內。太保率西方諸侯入應門左。單公率東方諸侯入應門右。皆布乘黃朱。賓稱奉圭。兼幣曰。一二臣衛執執壤。莫皆再拜稽首。王義嗣德。谷拜此新陟王。未莖之前。因有朝。嗣王之禮矣。此典豈不聞于諸侯乎。可知今定王之亟。以此年正月莖匡王者。殆欲致諸侯之來會莖。即以致諸侯之來朝正也。遂故王而覲新王。總以此此時為不可失。豈復能拘守天子七月而莖之定禮哉。

## 楚子伐陸渾之戎

晉見陸渾山。在今河南府嵩縣東北四十里。伊水出焉。與盧氏縣壤相接。亦云伊水出盧氏縣閭榑嶺。東流經嵩縣偃師界入于洛。洛同雒。僖公十一年傳云。揚拒泉皋伊雒之戎。同伐京師。文公八年。經書公子遂會雒戎于暴。此宣公三年。又書楚子伐陸渾之戎。陸渾山為伊水所出。伊水復入雒水。於是其戎之依山者。以山名。依水者。以水名。故

我單稱雒戎。或兼稱伊雒之戎。又或別稱陸渾之戎。要之皆戎類也。惟揚拒泉皋以地名。不若山水之較著。則莫能的指耳。陸渾之戎。與諸侯皆萃處成周之南部。楚子何從而伐之耶。蓋自文公十六年。楚莊王與秦人巴人共滅庸。三分其地。庸都令之湖北。鄖陽府楚得之。鄖陽北通河南府之盧氏縣。雒伊二水陸渾一山皆在焉。楚子以此路伐陸渾之戎。道雖險而甚捷。戎不及備。其為楚子所暴者。創必甚。諸戎並斂手畏之也。不然。彼楚子者。何至侈然自大。遂藐周室。竟如傳之所稱觀兵而問鼎哉。

## 夏楚人侵鄭

管見楚子伐陸渾之戎。於今之鄖陽取道而北。則不復由鄭境以歷周境矣。此路一開。陸渾之戎無足云。而成周當其衝。既屬可危。在鄭之害。週成周者。又將何以待之。於是鄭知楚之強。不可以倚。倚之實將以自靡也。乃當楚興伐。

戎之役。或使徵兵而鄭不應。焉及楚藏伐戎之功。或使告捷而鄭亦不賀焉。是則與楚絕矣。楚人之侵鄭。殆以此大於陸渾之戎。曰伐於鄭曰侵。伐川全軍。侵則偏師也。伐陸渾之戎曰楚子聊與之。子戎耳。侵鄭則不曰楚子而曰楚人。仍斥之為蠻而已。於戎何以別乎。伐戎與侵鄭聯文。以彼及此。情事有可推見。若左傳於經所不詳。欲先為楚人侵鄭立案。突于此年春。蓋臣王一條下。謂晉侯伐鄭及鄭鄭及晉平。士會入盟。恐未必然。按去年秋九月。晉趙盾弑其君夷臯。使趙穿逆公子黑臀于周而立之。是為成公。夫盾與穿大逆不道。弑內君而逆外公。子為君。成公何恃而不恐。輒當即位。改元之初。而自將伐鄭。以及邲。我晉侯未嘗伐鄭。則所稱晉及鄭平。士會入盟者。皆無據也。楚復何絲見鄭之試于晉而必侵鄭哉。

# 秋赤狄侵齊

齊下之。二宣公三年

十五

管見前自僖公三十年。及三十三年。狄再侵齊。又文公四年。及九年十一年。狄復三侵齊。未嘗有赤狄之名。與白狄分。而為二者。至此宣公三年秋。書赤狄侵齊。其後于八年夏。書晉師白狄伐秦。是殆由狄醜既衆。各成部落。而名號亦殊。故有所為赤狄。白狄耳。赤白之辨。何以。其君長之姓。辨之也。攷路史國名紀。於三皇之世。有赤國。注曰。赤松炎帝諸侯。後有赤氏。赤民。高陽師。是非赤姓之始乎。又有白國。注曰。白阜國。六者。炎帝。臣。是非白姓之始乎。所從來雖遠。系出赤姓者。稱赤。系出白姓者。稱白。亦足著其後之崛興。以據斯土。為有本矣。且路史載炎帝後之姜姓國。以姜戎附之。如赤狄。潞氏。並甲氏。留吁。皆以為姜姓。然則赤狄之別姓為赤。與白狄之別姓為白。其先雖屬炎帝諸侯。及炎帝。臣。要之。皆為炎帝之後。非異姓也。路史分載可以合而一之矣。赤狄白狄。惟赤狄較強。據宣公八年。晉師白狄伐秦。則白狄猶與晉也。十一年。晉侯會狄于欒。則欲統赤狄白狄而結之。然赤狄之強。終不可結。即得於

此年秋之。則于白狄而獨侵齊者見其概矣。以故十五年六月晉師滅赤狄潞氏。以潞子嬰兒歸。十六年正月晉人滅赤狄甲氏及留吁而赤狄遂亡。

# 宋師圍曹

晉見魯文公十六年。宋人弑其君杵臼。文公鮑築立。既二年。當魯文公之十八年。傳謂宋武公之後。為武氏者。導昭公杵臼子。將奉文公母弟司城湏以作亂。穆之族亦黨之。十二月。宋公殺母弟湏。及昭公子。使戴莊桓之族攻武氏。于司馬華耦子伯之館。遂逐武穆之族。此事於經無所見。及宣公三年秋。宋師圍曹。傳復謂宋武穆之族。以曹師伐宋。宋報曹。故國之亦不必實。計當時宋逐武穆之族。豈皆萃於曹乎。曹與諸侯會盟。班最後。國弱。入春秋以來。從未見曹師有專伐人國者。其敢徇宋族之亂黨所請。而以師圍宋哉。且宣公元年。楚子鄭人侵陳。遂侵宋。晉趙盾帥



師救陳。即所以救宋也。宋公陳侯衛侯曹伯會晉師于栢林。伐鄭亦以鄭之同惡於楚。以侵陳。遂侵宋也。曹伯方為宋而會伐鄭。從何特見其為宋族所使。而以專師圍宋。與今據經文求之。去年春宋師及鄭師戰于大棘。宋師敗績。獲宋華元。鄭縱之。華元逃歸。乃復乞師于晉。並因晉令以合宋陳衛曹之師。與前會栢林同。于時曹師不至。宋衛之及四國之師趨鄭。而楚之闕椒帥師次于鄭以待晉。晉畏楚。而與宋陳衛侵鄭。而還車徒駢集。如徑逾。如夜走。掠其邊。鄭幾于金鼓不聞。此舉之靡退殊甚。其於宋華元之敗師被獲。有恥何。以雪諸自是宋無如鄭何。而又不敢咎晉之。不競與夫陳衛之莫能助也。乃思曹不會師伐鄭之怨。而逞其憤焉。以故春秋譏其于宋而勦大衆。則書曰宋師亦即譏其于曹而偪都城。則書曰圍曹也。然但書宋師圍曹。未嘗書宋師入曹。師既無功。而國將自解。前之無如如何者。今復無如曹何已矣。

# 冬十月丙戌鄭伯蘭卒

管見此宣公三年書冬十月丙戌鄭伯蘭卒即聯書葬鄭穆公其為不踰月可知矣入與待問其去丙戌為幾何日哉禮諸侯五月而葬大夫三月士踰月則庶人之葬有不踰月者令鄭之葬穆公以諸侯而下同於庶人推實主之耶是必出于其子靈公爽矣爽為穆公蘭之子未立或欲早代其位而積嫌於卒之遂既立又不耐久居其喪而獨期於葬之速與如是則雖未嘗弑父亦賊子而已矣在位不數月而遂為公子歸生所弑亂臣之笑起人為之乎天為之乎

## 葬鄭穆公

### 四年

春王正月公及齊侯平莒及邾莒人不肯

公伐莒取向

管見莒在今山東莒州邾國名漢置邾縣地理志故邾國也今為邾城縣屬山東兗州府故邾城在縣西南境平莒及邾公之志也莒強於邾或於疆場生事則邾不得寧是時魯與邾為婚姻之國觀後十六年齊邾伯姬來歸猶可即其不終以還念其有始矣故莒及邾有怨而公欲平之其必及齊侯以平者欲挾齊之威力而要莒以必從具也明其出齊之意非魯之為邾而私於所親也而卒之莒人不肯與平齊亦無如莒何矣公怒遂伐莒取向亦適使其與邾為比之本情有莫能自掩已耳取者剽掠之辭非能有其地也隱二年莒人入向向遂滅地屬莒襄宇記謂密州之莒縣故莒子國有向城在今縣南七十五里即春秋向邑故城也地有向水亦稱夜頭水其名國為向殆以此

# 秦伯稻卒

〔帶見〕秦自康公瑩始。書卒而猶不書葬。則以其從穆公任好之亂命。殉葬者至百七十有七人。子車氏之子三良與焉。國人怨之。方祖穆公之不宜有後。又何不說其子康公之死。當述朽乎。故春秋不書葬秦康公。非必魯之不會葬也。乃削之以明衆情之惡。怒不可遏焉爾。至于秦伯稻之書卒。而其葬仍復不書。則又以秦康公瑩者。前合于楚莊王族以滅庸。而秦楚之交合於晉。則其所深讐矣。其子秦伯稻繼立。僅四年而卒。中間晉侵崇。而秦亦伐晉。取焦。猶相報未嘗已。則其結於楚者為已固。秦屬戎。楚屬蠻。戎黨於蠻。則中國諸侯。雖嘗與秦同盟。及是而加之橫絕。生猶還為非我族類。其心必異。死豈私為諸夏親暱。不廢喪紀乎。故春秋不書葬秦共公。亦非必魯之不會葬也。乃削之以明周服之防。維不可決焉爾。

# 夏六月乙酉鄭公子歸生弑其君夷

管見鄭靈公夷在喪，不踰月而葬其父穆公。羣公子苟有  
人心，當共憤之。及靈公以食彘小費，欲殺公子宋。宋與公  
子歸生謀先答曰：「畜老猶憚殺之，而况君乎？夫弑君何事  
而敢以畜老為喻？」言則公子歸生之能弑其君，復何所憚  
乎？蓋歸生前專兵柄，有功於穆公時。大棘之戰，宋師敗績，  
獲宋華元。繆二年事耳。及茲繼事新君，權勢烜赫，惟不欲  
弑君則已。一旦有激忍于君者，直與忍于老畜同之。此其  
恃有力而行大事。羣公子莫能為對，故春秋特書夏六月  
乙酉，鄭公子歸生弑其君夷。鄭氏王曰：「凡人同惡相濟，非  
同有是心，則不敢同謀是事。惟歸生有無君之心，故宋以  
無君之事謀之，觀鄭人討亂，斲于冢之棺，逐其族，則通國以  
為首惡，何必孔子歸獄歸生哉？」

## 赤狄侵齊

管見中國之諸侯與晉匹者惟齊而已。春秋不與白狄同附于晉。方乘此宣之三年。侵齊。四年。又侵齊。以暴白逞。未嘗挫衄。此取滅之道耳。故一紀以後。齊未有以報。春秋而晉於宣之十五年。滅赤狄潞氏。以潞子嬰兒歸。十六年。又滅赤狄甲氏及留吁。天道好還。可不戒哉。

## 秋公如齊公至自齊

管見此年秋之公如齊。殆賀赤狄之再侵齊而不害耳。但此事可使卿往。親行則近於煩。齊是以書也。其即聯書公至自齊者。亦幸出之不為齊所止耳。至於君出與諸侯相見。反必有告。至於祖禰之禮。非此書至之正意。

## 冬楚子伐鄭

管見左傳冬。楚子伐鄭。鄭未服也。杜氏預曰。去年楚侵鄭。不獲成。故曰未服。趙氏鵬飛曰。鄭欲其君。諸侯不問。而楚

之位為有解。雖楚兵之興。志于得齊。非為討罪而來也。然其兵之服於未。必不以是為解。聖人亦因其解而權與之。李氏原曰。此書子者。胡氏所謂歸生弑君。諸侯未有致討者。而楚人至焉。故與之也。按此傳說互相足。參看而經旨備矣。

# 五年

## 春公如齊

**晉見** 公于遂。殺子赤。以立宣公。恃齊以安。至是。歷五年。其去年秋。公已如齊矣。及此年春。而公又如齊者。蓋事齊甚謹。特依諸侯之事。霸主有五年一朝之禮。其朝又必于春時。故此書五年春。公如齊為朝。齊也。又五年為宣公十年。再書春王正月。公如齊。合而觀之。皆及五年之期。則其為朝。決矣。斯禮也。昔傳公之事。齊桓。亦嘗行之。蓋齊桓嘗

周惠王之世。盟首正。盟洮。有翼戴世子襄王之功。僖公九年。襄王立。王命宰周公。至於葵丘。策命齊桓為牧伯。牧伯即方伯也。諸侯當朝之。亦如朝王之以五年定制。故僖公十年。書春王正月。公如齊。始朝齊桓也。至僖公十五年。距前之十年。又屆五年。則再書春王正月。公如齊。亦以朝齊桓。焉。周桓桓公為方伯。是稱霸王。信公朝之。則謂之如。禮若惠公有齊之國。無桓之功。未嘗為方伯。稱霸王也。而宣公乃奉之比于霸王。而有事于五年之朝焉。則不免于過禮矣。其可以無譏乎。故春秋書此。所以誌魯之恥也。

## 夏公至自齊

管見公朝齊而返。不必踰時。此以春如齊。及夏而始至自齊者。左傳曰。齊高固使齊侯止公。請叔姬焉。蓋有之矣。觀下書秋九月。齊高固來逆子叔姬。逆為親迎之辭。高固之來逆。胡為乎來。亦因此年。自春及夏。齊侯止公。于齊特為



高固請娶子叔姬耳。高氏齊之望也。管仲曰：有天子之二  
守國高在，則高氏因世來齊政矣。時高固殆失其仇讎，而  
將求繼室，或有以魯女子叔姬聞者，高固怒，使同列求之。  
而不允，乃恃其有寵于齊侯，即乞齊侯因公之朝齊以請  
昏焉。是耳。以齊侯為一媒之大者而作合也。其勢豈可卻  
乎？惟子叔姬之為魯女，楊氏士勛指公之同母姊妹，言則  
是前文公之女，而出自夫人敬嬴矣。在公必謂寡人有母，  
不敢自專，族當歸而請命也。而高固又怒公歸而弗聽，或  
不請，乃遂委禽于公所，使齊侯止公，特遣其從臣以歸，請於  
夫人，待其命。是後使臣以夫人命來，亦許之。蓋以此昏之  
請雖嫌以國君之女降適大夫，亦前所時有，且齊侯一貴  
寵大夫，將請于公以貶之室，初不憚為之通辭，亦何能竟  
違其意也。況乎公止於齊，違齊侯之意，使公無以對齊侯，  
則並貶公以不安矣。欲不以其所請之命而許之，得乎？昏  
既定，使臣之往還費日，而公之止于齊者，  
遂踰時，以是而春如齊，夏乃至自齊也。

# 秋九月齊高固來逆子叔姬

晉見杜氏預曰。適諸侯稱女。通大夫稱字。所以別尊卑也。高固齊大夫。不書女。歸降于諸侯也。按此二例。為有據。前隱公二年。秋九月。書紀履緌來逆女。不稱字。履緌為其君逆。紀之。國本列於諸侯。至莊公二十七年。冬。書莒慶來逆叔姬。不稱女。慶屬自逆。其繫於莒者。本其國之大夫。是誠以稱女。稱字。辨諸侯大夫之尊卑矣。且紀履緌來逆女。在九月。其十月。即書伯姬歸于紀。至于莒慶則但于其冬。書來逆叔姬而已。此所謂逆女稱歸。大夫降於諸侯。其來逆不書歸者。亦信也。惟莒慶所逆之叔姬。止稱字而無子字。此高固來逆叔姬。特加子字。而稱子叔姬者。亦不可以無說。蓋此叔姬為前文公之女。乃宣公之女弟也。故特加子字以別之。言其為女。公子而與公同母者耳。若莒慶所逆之叔姬。即出自莊公。非其先桓公之女也。禮女子許嫁笄而字。長曰伯仲叔季。世其所當與男子之冠者畧同。然則

莊公之女叔姬獨當以字呼之豈待加子字哉再按上  
書魯公如齊夏公至自齊其所以稽留之故獨為齊侯止  
公於成高固之請昏而然乃特於此秋九月提出高固來  
逆子叔姬以實之焉但昏有六禮來逆為親迎之一節耳  
禮記昏義云凡納采問名納吉納徵請期皆主人筵几于  
廟而拜迎于門外入揖讓而升聽命于廟所以敬慎重正  
昏禮也其必筵几於廟者疏謂以先祖之遺體許人布筵  
几于廟廟而受其禮若神式憑之也禮之意至深遠矣今  
高固之求于叔姬其納采等五禮並使齊侯止公于齊而  
行事則安所聽命乎所謂敬慎重正昏禮者固如是乎高  
固無足貴獨違公之身為不義恃齊以安遂至齊侯既娶  
魯而取其田齊臣務以齊侯要魯而娶其女此其忍恥辱  
而屈于人下更何加焉

叔孫得臣卒

管見前文公薨公子遂如齊謀殺子赤立宣公叔孫得臣從之蓋知其情而不敢有異也觀後之遂歸自齊既殺子赤而以君命召叔仲彭生殺而埋之馬矢之中徒惡其前語以廢立之謀而不可耳得臣為彭生之兄不能止遂之殺其弟而又與之同事宣公及五年皆莫敢忤遂是非大夫之不足為有無者哉不足為有無者雖其生之日猶死之日豈必待其卒而始得指為死于何日乎故魯史於內大夫之卒無不日而春秋於叔孫得臣之卒日則削之蓋以亂臣之行弑逆其黨或本由於脅從者則從而削其卒日以示誅又有此減于首惡之例焉爾

## 冬齊高固及子叔姬來

管見齊高固之來為拜昏耳而傳注皆指為反馬反馬之說杜注云禮送女留其送馬謙不敢自安也語意不甚分明由謙字推之如士昏禮之納采女父對曰某之子惡恐又弗能教至納吉女父又對曰某之子不教唯恐弗堪然

則嫁女而送之。留其送馬。殆恐女之不足。以偕伉儷。故稱不敢自安。此及三月廟見後。乃使人反馬。是為成婦也。竊意此反馬之禮。惟諸侯之娶夫人有之。大夫取妻。則不必其然。視後成公九年二月。伯姬歸于宋。夏季孫行父如宋。致女。致訓推極。有進義。與僖公八年。禘于太廟。用致夫人之致。畧同。曾子問篇。女未廟見而死。則歸葬于女氏之黨。示未成婦也。則知嫁女于諸侯。至三月廟見。由未成婦而至。于成婦。故使人如其國而致女焉。致女則反馬。夫人得正位。于內矣。若大夫之妻。雖既成婦。不可言致。是必無致女之禮。又安得有反馬之禮哉。況魯之子叔姬為國君之女。而降適於齊之大夫。乃猶謂其謙不敢自安。送女者必留其送馬。以待反馬。於事情蓋復遠矣。至于子叔姬之來。則為歸寧耳。或又云。禮。大夫妻。歲一歸寧。亦未見所據。度惟諸侯之夫人。於既嫁而有父母存。則得歸寧。而亦不可數。因以一歲限之。豈嘗計及于大夫妻乎。蓋女為大夫妻。無三月反馬之禮。或猶有三月歸寧之禮也。此于子叔

非之來無幾焉。惟齊高固之及子叔姬來。則有不得免于  
譏者。夫拜昏以高固為主。歸寧以子叔姬為主。乃高固之  
拜昏。遂及子叔姬之歸寧以來。公羊子說經曰。其請為其  
雙雙而俱至者。與。注謂譏其雙行。匹至。似于禽獸。是則亦  
老之禮。隨俗為之者也。曾是  
位在大夫。而可以踵其獎哉。

## 楚人伐鄭

〔管見〕自此以上三年。楚兵凡三至鄭。惟去年值公子歸生  
執其君夷。楚猶有討賊之名。可做春秋之法。不能專以抑  
楚之強。而或縱舍亂臣之大逆也。故楚之伐鄭。稱楚子。至  
此年冬之伐鄭。及前年夏之伐鄭。則惟志于脅鄭。以服楚  
而已。有私心而無公義。夫安得通  
稱楚子。而不一再人之以示貶哉。

# 六年

言表春秋卷之八  
春秋  
二  
春晉趙盾衛孫免侵陳

晉見此侵陳之役。晉主兵。故首趙盾。是時惟衛之成公。自復國以後。猶然事晉。故衛以孫免會師侵陳也。晉何以侵陳。傳曰。陳即楚故也。按宣公元年秋。楚子鄭人侵陳。晉趙盾帥師救陳。陳復會晉師于棗林。伐鄭。其二年夏。又會晉師侵鄭。是鄭本與楚而陳固與晉矣。及三年春。楚子伐陸渾之戎。自今鄭陽之為古庸國者出師。鄭惟其北抵周疆。觀兵周鼎。即將乘是以東畧鄭地也。乃輒背楚而仍附于晉焉。鄭附于晉。楚因以三年夏侵鄭。四年冬復伐鄭。至五年冬。又復伐鄭。彼楚師之至鄭者。道必經陳。陳見楚師之至。至鄭而能不自危乎。危不自安。非請平于楚。又將何以處此也。從可知。傳于去年冬。稱楚子伐鄭。即。稱陳及楚平。職是故耳。至傳末。遂言晉荀林父救鄭。伐陳。則不忍其實也。蓋晉于此年春。趙盾以衛孫免侵陳。而其去年冬。已有荀林父伐之。此於命將徵兵。此亟徵不可咄辦。且為林

父止領晉師而曰伐趙盾于晉師而外並以衛之孫免  
師乃易伐而曰侵其名可謂稱乎竊意前楚師之三至于  
鄭晉皆未能救之獨以陳之請平于楚者林于楚之一侵  
鄭而伐鄭適背晉而竊附于楚焉在晉之趙盾固不能  
若周州而任其失陳也乃會衛孫免以侵陳亦姑示以討  
或之意云爾豈嘗於去年冬之平楚先令荀林父聲其罪  
以伐陳哉

## 夏四月

## 秋八月螽

晉見殺之秋登者為多以八月而書螽螽者蝗之異名即  
詩所謂蝻賊也螽字從牙賊為殺義然則螽之敗穀所在  
一空農人復何所容其鉅艾哉或猶  
以為為災不久異於以時書者非矣



冬十月

七年

春衛侯使孫良夫來盟

〔晉見〕左傳。衛桓子來盟。始通。且謀會晉也。趙氏鵬飛曰。良夫之來。為晉求魯也。魯宣公倚齊。魯國特事齊。而外晉。晉成公立。將求諸侯。以興霸業。惟衛自前靈公八年。當魯文之十四年。會諸侯及晉趙盾。同盟于新城。得睦於晉。於是文十七年。會晉伐宋。宣元年。會晉伐鄭。二年。會晉侵鄭。無不從其役者。魯宣則未嘗一與晉人之會。盟。征。伐也。故晉成公將為黑壤之會。而伴衛求之。文之十四年。晉為新城之盟。於時。魯睦於晉。而為晉求。衛成從之。遂同新城之盟。今衛成睦于晉。而為晉求。魯魯何辭而不從哉。故冬遂同盟。黑壤之會。交相求以尊盟主。所以外楚而為自安之計。

也。故聖人與之。無貶辭焉。然衛使良夫來聘。足矣。安事乎盟。蓋晉之責衛也。爲而魯之比齊也。深使魯陽許衛而陰外晉。則衛必得罪於晉。故盟之以固其會。晉之心也。至黑壤之會。則公親會之。益重夫。淪盟于衛。與接此說。發明傳意。特詳書。

## 夏公會齊侯伐萊

管見萊杜注。萊國。東萊黃縣。今屬山東登州府黃縣東南二十里。有萊子城。公會齊侯伐萊。胡傳云。及者。內爲志會者。外爲主。平莒及邾。公所欲也。故書公及齊侯伐萊。齊志也。故書公會齊侯。按四年之春正月。平莒及邾。公欲借勢於齊。必煩齊侯親至。則此六年夏齊侯伐萊。其徵兵於魯而期公之自將以會之。亦誠有不能不應命者。胡傳雖以合及與會分言。究亦可。

# 秋公至自伐萊

管見此書公至自伐萊。或謂以其險遠得歸為幸而飲至也。又或謂為齊伐萊於魯何功而飲至于魯廟。宣公必有以誣其祖矣。二說皆是。但當合下大旱言之。乃見當時之至自伐萊者。一入其疆。凡生穀之土皆為赤地。公則無志而民已不救矣。其將何以堪此乎。

## 大旱

管見去年既書秋八月螽。今年復書秋大旱。連歲遭災。則災此大旱者。又當加一倍悚切矣。

# 冬公會晉侯宋公衛侯鄭伯曹伯于黑壤

管見黑壤。今山西澤州府沁水縣西北四十里。周守文恭改為烏嶺。寰宇記云。即春秋晉黑壤也。按晉成公黑臀。自

周入立。既五年，宋、齊、會諸侯以盟。至此宣公七年冬，公會  
晉侯、宋公、衛侯、鄭伯、曹伯于黑壤。惟陳之次，宋而先于衛。  
鄭者，以去年春，晉、趙盾及衛孫免侵陳，故不會。其會者，  
以五國之君皆以晉為主，而輯集于晉地之黑壤。惡有不  
盟者哉？其但稱會而不及盟，獨以公之與會而不得與盟，  
諒之也。何以知其不得與盟？公以此年冬會于黑壤，及明  
年春乃至旬會，則左傳所稱晉人止公，因實有之矣。晉人  
之止公，與為亦為公之事。晉成者，視前文公之事。晉靈為  
盟，異耳。文公十三年，於晉當靈公之七年冬，公如晉。十二  
月，及晉侯盟。其未至晉也，衛侯會公于齊。其還自晉也，鄭  
伯會公于渠。皆因公以請平于晉。至明年為文公十四年，  
夏六月，公會宋公、陳侯、衛侯、鄭伯、許男、曹伯、晉趙盾、同盟  
于新城。宣公使趙盾攝主其盟，而諸侯皆附。夫孰非由文  
公之如晉，實導其先路哉？惟宣公之倚齊，舉立遂謹事齊，  
而外晉，傳亦謂晉侯成公之立，公不朝，又不使大夫聘，豈  
不然乎？晉侯之使公不得與盟，而復止之，職是故爾。若夫

既止之而仍至自會者。非他也。此年春。衛侯使孫良夫來盟。胡傳謂魯專事齊。初未嘗與晉通也。必有疑焉。而衛任其無咎。故遣孫良夫來盟。然則晉成止公於冬。及改成為春。而公仍至自會。是必由衛侯為之請也。傳直謂其以賂先。則不必然。

八年

春公至自會

管見晉人之止公。蓋即止之於黑壤耳。黑壤為會所。故於其至也。亦但書曰公至自會。

夏六月公子遂如齊至黃乃復

管見凡諸侯之事霸主。及五年則朝之。其間又於三年使卿聘。此年夏六月。公子遂如齊。至黃乃復。

者黃杜注齊地。路史登州之黃縣東南有合黃城。本紀邑後入齊在齊東。與萊接壤。故令黃縣東南二十里有萊子城。去年夏公會齊侯伐萊。秋公至自伐萊。殆無功而還耳。而齊侯終欲得志于萊。故明年復有伐萊之役。齊之伐萊必駐師于黃。一伐不捷而謀再伐則為備者必蚤。而齊侯亦親蒞焉。故當今年夏六月公子遂至齊而齊侯不在齊。都臨淄適在齊東。與之黃邑也。齊侯在黃則公子遂之如齊聘者。苟非更自齊而生黃將何以致。公命于齊侯哉。以是而聘齊者可概稱至齊而復。而公子遂之於此聘則必別稱至黃乃復也。着一乃字。特欲著其受命而行所至較遠。畢事而返。來復較遲云爾。

## 辛巳有事于大廟仲遂卒于垂

【管見】此有事于太廟。諸說指時禘言。則是夏之禘禘矣。禘禘為時祭。何以遲至季夏之六月而始有事于太廟哉。惟

正義以此為禘祭。當從之。禮記明堂位云。季夏六月。以禘禮祀周公于太廟。牲用白牡。又大傳云。禮不王不禘。王者禘其祖之所自出。以其祖配之。魯用王禮。則所稱以禘禮祀周公者。固即推其所自出。以祀文王矣。是不宜書大事于太廟乎。而春秋但書有事。則何也。蓋魯以夏六月辛巳。禘于太廟。而公子遂之如齊者。至黃而復。及垂而卒。其舉以告公之日。亦即此禘于太廟之辛巳。初未嘗有所忌。則由公以公子遂之立己為德。私心昵之。聞其道病將死。輒先命曰。如有不諱。雖當祭。必告。猶將以去樂卒事。致其哀也。魯之諷吉用禘。何其重視公子遂。而忘所祀者之為周公。且忘祀周公而推其所自出者之為文王哉。公既懷私昧昧。絕不計及太廟之事。於禘為大。則獨從。凡祭之統稱有事。而不辨其大者。書曰。有事于太廟。所以示譏之意。微而顯矣。至公子遂之稱仲遂。仲乃其氏。非字也。魯之三桓。公子慶父。稱仲氏。其子為公孫敖。遂屬敖之從昆弟。則從仲氏。則仲遂而已。或謂其生而賜氏。為仲。何所據哉。惟

遂之稱公子則由公引而親之為同母弟借以昭寵與耳其實非公于也。且彼歷市三君春秋書公子遂者凡十七見皆著其專橫跋扈無所不為實起于先之寵異太過故然也。及是而卒乃特削其冒稱公子者以正名亦即懲其恃為公子者以防亂。讀者宜致思焉。若垂之為齊地見杜注說者以為當在山東兗州府平陰縣境平陰今屬泰安府。

## 壬午猶繹萬入去籥

管見祭之明日賓尸而謂之繹者繹思也。賓尸必先祭于初。初在廟門外之西塾。賓尸亦自入門始。故將賓尸而先求神。即于門外西塾為虛位設饌而祭。以為神無所不在而思於是屬焉。此之謂繹。其禮益極簡。既畢則撤之。以此日主于賓尸。非正祭也。且賓尸之時則其思即移而屬于尸。如周頌之言繹賓尸者。首稱絲衣其絰載弁俅俅皆本。



先日正祭。祭神之狀。而思之。猶覺其儼然在目。有如此。故知詩序不但曰賓尸。而曰繹賓尸者。明乎祭初為繹賓尸。亦為繹也。云爾。凡太廟之事。有正祭。必有繹祭。況禘之大者乎。春秋於此。宣公八年。特書夏六月辛巳。有事于太廟。其六月辛巳之祭。必大禘也。而但書有事于太廟。若不見其大者。則以仲遂卒于垂。公亦即于是日聞之。及祭。差得畢其事于太廟。已也。故及明日壬午。當賓尸而先繹祭。亦似不得已而行之者然。因肖其心之不專于繹。而曰猶繹焉。繹之思也。思神于初也。思尸之象神于廟也。而宣公之思。則獨不忘仲遂之卒于垂焉。於是雖不廢繹。而其萬入去籥。則以哀私臣無祿之意。而沒樂公尸來然之情。豈不謬哉。夫公于壬午猶繹而萬入去籥。則先日辛巳之有事于太廟。其以仲遂卒于垂而去樂卒事。固不待言。而可知矣。萬為舞之總名。文舞象德。武舞象功。王者之德與功。通被萬國。萬民靡不為之踴躍歡忻。故其舞為萬舞。若諸侯之有舞者。在御風言方將萬舞。公庭萬舞。則儼以夸侈其

成而非實也。魯用天子之禮樂。萬舞洋洋。見魯頌閟宮篇。  
詩于魯之舞稱萬舞。春秋于魯之萬舞特稱萬。又不具而  
義亦完。以下去。箭通看。萬之為舞。蓋見矣。其言入者。凡樂  
器皆宿縣在祭之先日。其舞容如干戚羽箭之屬。則按舞  
人執之。必當日行事而始入耳。舞為樂之容。而箭獨有聲。  
雖邶風只言左手執箭。右手秉翟。而周官箭師則云。掌教  
國子舞。羽。吹。箭。執而吹之。夫豈虛器哉。此於有事于太廟  
之明日。以繹不可廢而萬入去箭。則因仲遂卒于垂。既于  
太廟之正祭。去樂。卒事。即以舞之有箭。亦同于樂之有聲  
而並去之。非自繹而始然也。文舞羽箭並用。去箭則不成  
舞。而所稱萬入者。亦徒入焉而已。去箭即去舞之。謂不言  
去舞。而但言去箭。以去舞獨因于箭故。周且此繹之去箭  
以去舞。即可因去舞以知其去樂。而先日之卒已。有事于  
太廟者。其為去樂。卒事。亦借以有徵矣。又何待言哉。春秋  
書法簡嚴。有可互見。則從  
省。在讀者參觀而得之。

# 戊子夫人嬴氏薨

晉見趙氏匡曰公殺並云熊氏又謹為頃據理頃為惡謹不應公母加惡謹當從左氏為敬嬴胡傳云敬嬴文公妾也何以稱夫人自成風開季友之繇事友而屬其子及僖公得國立以為夫人於是乎嫡妾亂矣敬嬴又嬖私事襄仲而屬宣公不待致于太廟援例以立則從同同而無貶矣其意若曰以義起禮為可繼苟出于私情而非義後雖欲正可若何按前文公四年書夫人風氏薨風氏本妾母由其子僖公既立特于八年秋七月禘于太廟用致夫人也夫夫人豈可致乎致夫人而以禘于太廟致之太廟不已辱乎據事直書而其罪著矣今宣公之母嬴氏值此年六月戊子卒又以妾母為夫人而稱薨則亦由宣公之於在位八年中早為其母嬴氏禘于太廟用致夫人必可知也惟春秋罪作始者後之尤而效之厥罪惟鈞自可推見故不書而胡傳遂謂不待致于太廟援例以立彼魯之妾

乎欲為夫人者。非自嬴氏而止。亦皆恃有數于太廟。  
為前車之可師耳。舍此復以何者為例而援之哉。

## 晉師白狄伐秦

管見晉成公黑臀立於宣公六年。書晉趙盾衛孫免侵陳。  
為其戒於楚而討之也。宣七年。書公會晉侯宋公衛侯鄭  
伯曹伯於黑壤。其實盟也。因公之前與事齊而令始來會。  
乃使公不得與盟而止之。然晉雖止公。而仍得於八年秦。  
書公至自會。則亦猶是服而舍之之意矣。於是晉謂東諸  
侯大畧已定。乃西有事於秦。而以師會白狄伐之。故於此  
八年夏六月。書晉師白狄伐秦。按晉與秦交兵以來。在晉  
文襄秦穆康之際。不具論。論其近者。宣三年。秦師伐晉。傳  
謂取晉之焦。亦以報先年趙穿侵崇之役。非秦之首禍也。  
而及茲晉復伐秦。其相報何時已哉。且前之伐晉。為秦共  
公稻。當晉靈公夷卓時。靈公弑而共公亦卒。其讐怨之緣  
已絕。則晉之興師伐秦。亦無名也。況晉師不給。而以白狄

濟之。白狄，雖較馴於赤狄，可為晉所用。而與前晉襄之以姜戎敗秦師者不同。蓋襄公能馭姜戎，春秋書曰：晉人及姜戎敗秦師于穀。及字，便有等差。成公未能馭白狄，而引以為助，春秋書曰：晉師白狄伐秦，無及字，則識其晉與白狄儼然敵國，豈復能存諸夏之防維也哉。

# 楚人滅舒蓼

晉見舒蓼杜注：二國名。孔氏穎達曰：二國，傳寫之誤。當云一國。今江南廬州府廬江縣西故舒城是也。趙氏鵬飛曰：舒同宗而異國，故謂之羣舒。杜注以舒蓼為二國，疎矣。舒庸舒鳩豈亦兩國乎？左傳曰：楚為衆舒叛故伐舒蓼滅之。楚子疆之及滑汭盟。吳越而還，按楚子莊王即位及茲凡十三年。前文公十六年秋，書楚人秦人巴人滅庸，此宣公八年夏，書楚人滅舒蓼。庸在楚西，舒蓼在楚東，滅庸而合秦已滅舒蓼而盟吳越，則楚之雄長南服既西結於秦已。

後及宣十二年而晉楚戰於郟晉師敗績亦即其明驗與

秋七月甲子日有食之既

一電見春秋書日有食之凡三十六其書既者三而已前乎此為桓公三年秋七月壬辰朔日有食之既後乎此為襄公二十四年秋七月甲子朔日有食之既惟此當宣公八年但書秋七月甲子無朔字蓋以日有食之靡不於朔日者甲子即朔日之干支也文省而義自具其非此年月而日有食之或不至於既亦間從此例

冬十月己丑葬我小君敬嬴

管見春秋書魯夫人有塋不從君謚而別自為謚者自文姜始是後或本為妾母而以祔於太廟用致夫人其塋之為謚亦從此例前於風氏之謚成風初見諱於風氏之諱敬廢再見也

# 雨不克葬庚寅日中而克葬

〔管見〕此於宣公八年。書冬十月己丑。葬我小君敬嬴。雨不克葬。庚寅日中而克葬。至後定公十五年。又書九月丁巳。葬我君定公。雨不克葬。戊午日下。乃克葬。胡傳但言敬嬴之奔。嫡殺太子亦逐。夫人姜氏皆其惡也。故當葬而雨致此咎徵。而於定公則未有以罪之。既不能一例立斷。至本穀梁之言。喪不以制。而譏其無備。似可通看。究之葬以慮雨而為備。至於雨甚。豈無雖有備而仍不能以禦雨者乎。則此說亦不可泥。惟讀左氏兩傳。其後傳曰。葬定公。雨不克襄事。禮也。注謂襄為成義。雨而成事。若汲汲於欲葬。然惟次日雨霽而葬。得必誠必信之道。故曰禮也。此其中明左傳為散確。蓋春秋書此。欲因葬諸侯之夫人。與葬諸侯者。雖經卜日。而以雨變而通之。亦權宜之道。固然要示害於禮。乃並存之。使天下後世毋或拘拘卜日。以防後難。轉致草草營葬。以忘近悔焉。爾日中。日下。是兩日守河與。

上雨而克。對者雨不克。葬不嫌翼日之非。卜日翼日不雨而克。葬乃克。葬亦不嫌日中。日下。是之不同時也。克葬與能通。其不稱能而稱克。亦實與。葬字有貼合處。字典。墓地曰佳城。博物志。漢夏侯嬰死。送葬至東都門外。如馬不行。踏地悲鳴。即掘馬蹄下。得石柳。其銘曰。佳城鬱鬱。三千年見白日。于嗟滕公居此室。夫石柳之銘。在三千年以前。則墓地之謂佳城。由來久矣。佳為美號。其所掘之墳。與攻左傳曰。以此攻城。何城不克。凡攻城而入之。為克。既與攻土。為佳城。而入之。大意畧同。五喪大記云。君喪用韜。四紼二碑。雜記云。升正柩。諸侯執紼。五百人。四紼皆銜枚。司馬執鐸。左八人。右八人。匠人執羽葆。御柩。喪大記又云。凡封用紼。去碑。負引。君封以衡。命舛。諱以鼓。封此諸侯禮也。夫人從君。然則國之葬夫人。與其君以棺為室。以塋為佳城。如禮引之以入。而藏焉。其所用官司。徒御器物之屬。皆以軍律行之。不用克字。於其葬何以適肖哉。但此所謂葬。只指初窆下棺時說。非已封而成葬也。如夫人敬嬴之雨不



克塋。越翼日庚寅。日中而克塋。日中則將。是。不可以一日。言。檀弓記孔子曰。吾見封之若斧者矣。馬鬣封之謂也。從若斧者。以其儉而易就耳。及卒。子夏封之若斧。以行夫子之志。猶云。一日三新板而巳。封。况夫人敬嬴之塋。當從君之封度。及八尺。實為用功多而難成。其可於一日之間。分其日。所餘之半。以畢事乎。又定公之雨不克塋。越翼日戊午。日下昃。乃克塋。日下昃。則又遲於日中。而薄暮矣。曾子問記老聃語孔子曰。夫柩不蚤出。不莫宿。無見星者。此助塋於巷黨耳。其行柩在塗。亦必速日而止。則封塋可知矣。豈國君定公之塋。以日下昃而入塋。其實土以為卹封。如諸侯八尺之度。又可不憚日入見星而乘其夜以興役乎。總而言之。塋為送死之終事。尤宜致謹。雖當巳封成塋。不無崇卑大小之差。而其塋不以雨固未嘗有二也。乃說者多以庶人塋不為雨止。語見禮記王制。則不免於依違。夫塋日遇雨。其土皆為塗泥。何以能塋。縱庶人微賤無力。有塋之者。或忍而出於此。而必指為先王創制。紀不哀其雨。

然而轉述之者為令其信然與不寧惟是。檀弓又載孔子之母卒。既得合葬於防。封之崇四尺。孔子先反。門人後而甚。至孔子問焉。曰。爾來何遲也。曰。防墓廬。孔子不應。三。孔子泣然流涕曰。吾聞之。古不脩墓。此殆以王制有葬不為兩止之文。從而附會其說。故敢於誣聖如此。且斥為誕妄可也。

## 城平陽

〔管見〕平陽。杜注。泰山有平陽縣。今山東濟南府新泰縣西北四里。平陽故城是也。魯之城平陽。說者以為懼晉而備之。攷今新泰縣屬泰安府。距府一百五十里。在魯都之東。晉在魯西。魯不城其國西之地。而城其東。何以為備。晉哉。竊計今新泰之為平陽。東與沂州府之沂水縣接壤。是為魯之郛邑。沂水東則為莒州。即古莒國也。郛之在沂水。舊本莒邑。而為魯所有。蓋在春秋以前。及文公十二年。莒謀復有故郛。將爭之。是年冬。魯使季孫行父帥師城諸及郛。

凡以備莒之圖。郭耳。文公卒。宣公立。其四年春正月。公及齊侯平莒及郕。莒人不肯。公伐莒。取向。向在莒州南。而魯取之。是足以啟莒人爭郭之釁矣。後成公九年冬十有一月。書楚公子嬰齊帥師伐莒。庚申。莒潰。楚人入郭。則郭已復為莒。有可知。由後溯前。莒之得郭。與魯之失郭。實當何時。其即在茲。宣公八年。城平陽之時乎。故此書城平陽。正欲隱見其失郭也。失郭何以不書。禮記檀弓篇。國亡大縣邑。公卿大夫士皆厭冠。哭於太廟。三日。君不舉。魯之郭邑亡。其君若臣殆未有違用是禮者。意特以為郭本莒邑。非魯之舊封耳。故魯史因而諱之。而春秋亦但書其城平陽者。使人推度所由來之本於失郭焉耳。

## 楚師伐陳

管見師必有名。楚之伐陳。獨欲脅陳以使之服從耳。豈有名哉。而春秋書楚師者。其意蓋以師字正陳侯。靈公之罪。

也是時宣公八年為周定王之六年。周語云：定王使單襄公將于宋，遂假道於陳以聘楚。道中聞陳民將築臺於夏氏，及陳。陳宣公與孔寧儀行父南冠以如夏氏，留賓弗見。單子歸告王曰：「陳侯不有大咎，國必亡此。」視陳大夫洩冶之諫尤在先也。其為公卿宣淫，不既彰明較著矣乎？周官大司馬以九伐之湯正邦國，其一稱「內亂」，為「敗行」則滅之，是師之有名者也。單子知陳侯之國必亡，初不能以王師辭罪致討，而適值楚有伐陳之役，突如其來，則雖為恃強爭霸凌虐中國，本非有名之師也。而樂得因以止陳侯宣公之罪，則即以為有名而稱楚師也可。

九年

春王正月公如齊

公至自齊

管見此與前五年之公如齊。公至自齊。皆以霸主事齊侯而朝之也。但五年之如齊。不於春正月。故及夏而乃至自齊耳。此年以正月如齊。則其至自齊者可。不待踰時而及夏矣。又諸侯之朝霸主。魯於前僖公之事。齊桓元之。皆以五年為期。則其中必間四年。今宣公以五年春朝齊。及今九年春正月而再朝齊。是聯前朝齊之年。合之今再朝齊之年。而數之為五年。而其中特間三年。必宣公有意以示勤也。而其事齊侯者。並加慎矣。彼齊侯惠公。豈實為霸主哉。善之亦足為魯羞也云爾。

# 夏仲孫蔑如京師

管見宣公即位及九年。繼以篡立。不敢朝周。豈遂未嘗一使大夫聘於周乎。聘周為常事。經文例不悉書。至此年夏特書仲孫蔑如京師。則何以故。趙氏曰。飛曰。蔑之如京師。畏也。春秋之大夫無事不聘於周者。皆出其所私。安則

視周為弱而不恤。急則倚周為援。以自固也。此說得其情。  
宣之七年冬公會晉侯宋公衛侯鄭伯曹伯于黑壤。晉  
侯不使公與盟而復止之。至八年春公乃至自會。將由衛  
侯前使孫良夫來盟。為公任其無咎。故當晉侯止公。衛侯  
徐為之請而得免耳。究之公既歸魯。晉侯何能遽釋然哉。  
以故比年夏公使仲孫蔑如京師。以聘王。欲得王之為魯  
以解於晉。即使自今以往。能因晉之會諸侯以同其盟。庶  
幾有以益黑壤之羞焉。然此年秋九月晉侯宋公衛侯  
鄭伯曹伯會于危。猶之黑壤也。而公並求與會而不得。又  
何望他日之同盟哉。且是月晉侯黑臀之會于危者。亦旋  
以辛酉卒于危。然則公欲晉之釋怨而通好。又將有望於  
晉之嗣君矣。回憶先之欲倚王以善晉者。特使仲孫蔑如  
京師。曾何裨乎。

## 齊侯伐萊

管見七年夏。書公會齊侯伐萊。秋。公至自伐萊。則齊侯亦無功而還。可知。至八年春。公子遂如齊聘。至黃。乃復以齊侯之在黃也。黃地逼近萊。其為此。九年夏之復伐萊者。備之蚤矣。然萊地三面距海。土田狹窄。而多山險。其人性剛強。朴魯少文義。詰皆詳及伐之。豈能必得志哉。春秋書此。不單稱齊不統稱齊師。亦不貶稱齊人。而獨一目之為齊侯。再目之為齊侯。則欲若其自將伐萊而終為萊所傷以致死也。觀明年夏四月己巳。齊侯元卒。其春之公如齊以聞其傷不可痊而往問之耳。蓋齊侯之復伐萊其志甚銳。將為身先士卒或墮馬或中流矢其患生不測必有不及防者矣。然人或以經無明文疑之。按前僖公二十二年冬十有一月己巳朔。宋襄公及楚人戰于泓。宋師敗績。其明年夏五月庚寅。襄公蒞父卒。實卒於戰之傷。股也。左傳記之。而經初不悉言此。其例矣。

## 秋取根牟

得見取為俘掠其人民畜產之類不得迷指奪其地言以  
牟杜註東夷國也琅琊陽都縣東有牟鄉今在山東青州  
府沂水縣南按今沂水縣即魯所前踞於莒之郛邑去年  
魯失郛而莒復有之故其冬城平陽之近郛者以備莒也  
郛屬沂水縣根牟在沂水縣南則亦莒之刈邑而已杜注  
以為東夷國殊未審其稱琅琊陽都縣東有牟鄉亦無可  
考獨賴有指明其地者以為今青州府沂水縣南而後根  
牟得所在耳四年春公及齊侯平莒及郛莒人不肯公伐  
莒取郛莒在今莒州向在莒州南七十里沂水逼近莒州  
則根牟之在沂水縣南者即與向為鄰邑矣魯前未失沂  
水之郛則自郛而取向魯今既失沂水之郛而城平陽乃  
復自平陽而取根牟也伐根牟而取之者為憤其失郛於  
莒而不能忘情則自今九年秋至於十有一年之  
夏其苦公孫歸父會齊人伐莒皆以此怨也夫

## 八月滕子卒

讀春秋管見

卷七

宣公九年

三十六



管見滕子之書滕侯。惟隱公在位十一年中。凡兩見及桓公時。其來朝則書滕子矣。侯從五等之通稱。子從五等之本。爵其不同皆有焉也。辨詳前各本條下。又凡他國諸侯之卒。必書其名。惟魯不會葬者。不得書其謚。則不書名。蓋謚以諱名。闕其謚則名無由諱。故其卒不書名。亦以為諱云。罔觀隱公七年。書滕侯卒。不名。八年。書夏六月己亥。祭侯考父卒。名。即因是月。聯書辛亥。宿男卒。不名。其例亦可推矣。但自隱公七年。書滕侯卒。及宣公九年。歷一百十有七年。乃再書滕子卒。雖因文公十二年。秋。滕子來朝。而魯於其卒。使人弔之。亦常事耳。春秋例不悉書。此書者。殆欲使本年冬十月。宋人圍滕。可憑是以知宋公鮑之不仁。既不哀其與國之有喪。亦即使明年夏六月。宋師伐滕。可憑是以知宋公鮑之不仁。並不恤其嗣君之未免喪也。夫豈猶是魯史之因赴而書者。徒以為常例哉。

九月晉侯宋公衛侯鄭伯曹伯會于扈晉

# 荀林父帥師伐陳

晉見尾杜注鄭地。柴陽卷線西北有虎亭今在河南開封府原武縣西北何以會于尾為伐陳也。前六年春晉趙盾衛孫免伐陳。因陳之貳於楚故爾。然但以侵言則惟趙盾執境而止其能以服陳哉。以是當七年冬晉合諸侯以盟于黑壤。公不待與盟而猶不敢不會。陳侯則不至焉。是時陳實畏楚亦未能得楚之逐釋然也。至八年冬十月楚師伐陳則是明為聲罪致討。豈直使之云矣。左傳言楚子取成而還。是非陳及楚平而服之耶。夫陳與鄭為南北之衝晉楚之所必爭也。陳既為楚所脅從晉亦何能晏然已乎。可知此九年之秋九月晉侯宋公衛侯鄭伯曹伯會于尾以師會也。晉侯主兵其徵師於四國以會之者實欲大舉以伐陳耳。豈猶是前之晉趙盾衛孫免聊有事於侵陳也哉。黑壤之盟正新嘗宋衛鄭曹之君既會而其師亦畢集焉。故即繼之曰晉荀林父帥師伐陳。胡傳曰不曰諸侯之

師而曰林父帥師者在會諸侯皆以師聽命而林父兼將之也此解帥師伐陳與上會于扈說成一串蓋足見先之期諸侯以會於扈者非他也為伐陳也

# 辛酉晉侯黑臀卒于扈

晉見猶是會于扈之九月也晉荀材父帥師伐陳未及行而是月之辛酉晉侯黑臀卒於扈嗟乎晉侯特在位七年其祚短又值隕身一旦其死暴何不幸也晉楚之爭疆未已晉之不幸不戰為楚之大幸哉

# 冬十月癸酉衛侯鄭卒

管見胡傳云晉成公何以不葬魯不會也衛成公何以不葬亦魯不會也衛成事晉甚謹而魯宣公獨深向齊衛欲為晉致魯故謀黑臀之會而特使孫良夫來盟以定之也及會于黑壤而晉人止公既然後死是以息之會皆前日

諸侯而魯獨不往。二國雖以長赴亦皆不會。此所謂與其  
事而圖其文者也。書卒而魯之以私怨廢禮忘親其罪已  
見於前之晉人止公必由衛侯請之而得免。胡氏據左傳  
以為賜恐非其實也。說見前。或曰衛侯為公請之不為德  
乎。何以亦不會其差也。曰不然。衛侯先使孫良夫來盟以  
為我任其無咎。是因衛侯而為公請黑壤而晉乃得止之也。  
止公為大辱其誤於衛侯而為晉所止者乃  
其深怨矣。豈獨以其卒之情兒而謂為德哉。

# 宋人圍滕

（卷八）春秋以來滕之世澤不可考。其以名見者。惟僖公  
十九年書宋人執滕子嬰齊而邑於時。為宋襄公被執而  
徙。此三年後一從宋公伐鄭也。未有別也。久之當文公十  
二年秋書滕子來朝。及此豈公九年八月書滕子卒。傳皆  
指為昭公。亦有謠而無名也。滕在魯南鄙。亦在宋東北鄙。  
滕子以八月卒。既赴於魯。豈不亦赴於宋哉。而宋乃以冬

十月圍滕。其圍滕之故。或以滕子前嘗朝魯而絕不朝宋。宋固心銜久之而未得間以致討耳。凡環其城郭曰圍。必大舉而用衆。突如其來。蜂蟻蟻集。內者不得出。外者必務入。意殆欲效棄公之執滕子於齊以逞其威怒矣。然有事於國而乘其長亦必以滕為國小而因若於常時攻其有條未易克也。而卒之得書圍滕不得書入滕。宋亦何嘗得志於滕耶。徒以稱兵凌弱不長死不恤孤。舉其身以為不仁之歸而已。尚堪夷然位乎諸侯之上而稱宋公乎。春秋賤而人之亦正使之無地可自容也。

# 楚子伐鄭晉卻缺帥師救鄭

晉去冬楚師伐陳取成而還。陳既服楚矣。今年秋九月。晉侯宋公衛侯鄭伯曹伯會于危。晉荀林父帥師伐陳。是晉之與楚爭也。乃以斥侯黑臀卒于危而還。陳與鄭並當南北之衝。楚既服陳而晉莫能爭。於是復以此年冬

十月伐鄭。將脅鄭而使之俱服。即以分晉之勢。而幾於過半。馬爾蓋晉所會于扈之四國。惟鄭之於宋。衛。曹。為較強。鄭倚晉。而晉侯適卒于扈。內有大故。何暇力為與國謀。衛侯鄭事晉甚謹。亦與黑臀相繼卒。宋則東有事於圓滕。必無復有西顧於晉之志也。若曹之無能為。又不足云矣。楚以此時乘機大舉。其伐鄭者。必待服而後舍之。鄭豈不望救於晉哉。而晉則何能以底鄭也。從可知此書楚子伐鄭。即喚書晉卻缺帥師救鄭。特著晉之不得已。而以救為名。其實則以鄭與楚耳。何以見之。觀上書楚子。特舉其爵。則是楚莊之自將以伐鄭也。晉之卻缺。其能與為敵哉。鄭雖告急於晉。而晉救之緩不逮事。必以疑慮出於遲延。將有楚子伐鄭之師既去。而卻缺救鄭之師乃得至者。夫非徒以救鄭為之名乎。而左傳乃曰。卻缺救鄭。鄭伯敗楚師于柳。勞國人皆喜。惟子良憂曰。是國之災也。吾死無日矣。此殆臆論而非其實。夫春秋起隱公以來。何嘗見鄭之敢與楚戰耶。及宣公九年。楚莊之憑陵諸夏甚矣。而鄭伯得

言  
敗之於柳。勢挫其師。春秋之大義。安內而攘外。必從國人。之喜而畧子。良之憂也。而乃闕其事而不書。則事之非實。有無可疑者。

## 陳殺其大夫洩冶

管見此條以左傳紀事。以胡傳立斷。大意具矣。左傳曰。陳靈公與孔寧儀行父通於夏姬。皆衷其相服以戲於朝。洩冶諫曰。公卿宣淫。民無效焉。且聞不令。若其納之。公曰。吾能改矣。公告二子。二子請殺之。公弗禁。遂殺洩冶。胡傳曰。稱國以殺者。君與用事大臣同殺之也。稱其大夫。則不失官守而殺之者。有專擅之罪矣。洩冶無罪而書名何也。治以諫殺身者。也。殺諫臣者。必有亡國弑君之禍。故書其名。為微舒弑君。楚子滅陳之端。以垂後戒。此所謂義繫於名。而書其名者。也。

十年

# 春公如齊公至自齊

管見此年夏四月己巳齊侯元卒。由去年夏之伐萊而有  
所傷既歸未及卒復至踰年為春而所患乃加甚焉。公聞  
其狀特欲親往慰問因復不憚連年如齊以示勤也。若夫  
公至自齊似與前之凡三見者大概誌其在途寧適經時  
久近而已。而此獨若寓有深幸之意以齊人歸我濟西田  
其取之者及十年而一旦仍為魯有則皆得謂公之此行  
為不虛也。云爾。

## 齊人歸我濟西田

管見齊人歸我濟西田張氏洽曰不言來者請而得之也  
揭出請字則歸字更覺有因當從之但請必請於齊侯公



雖齊侯之婿。又實能順事齊侯。而欲以前所賂齊之濟西。田使之反而歸我其能。以自請乎。公不能自請。則代之請者。其必因齊侯所寵任之齊卿。與觀此年四月。齊侯元卒。頃公立。及冬。齊侯使國佐來聘。又公之十五年秋。仲孫蔑會齊高固于無婁。國高乃齊所謂天子之二守也。世為齊卿。其國佐及高固在。惠公時。皆用事。高固以前公立之五年。娶子叔姬為魯之壻。公如齊。而以請歸濟西田之私志。商之。當無所嫌。國高方睦。即茲夏之逐崔氏。可徵矣。高固以公意白於國佐。而國佐為之請於齊侯。時齊侯寢疾將死。憂身重憂國。輕濟西田。本為魯田。取之已十年。而公之事齊侯順久。而並勤有子。壻之誼。又其女穆姜在魯。無恙。則歸其田以永婚姻之好可矣。許之。故特書曰。齊人歸我濟西田。稱齊人者。以歸田非出齊侯本意。因齊之二卿請之。人以人。二卿也。

夏四月丙辰日有食之

# 己巳齊侯元卒

管見齊侯之卒由傷於伐萊也。此前三年齊侯凡兩伐萊。皆自將其志固有不滅萊而不已者。然萊不遠滅而齊侯已旋卒矣。是伐萊特以自伐伐萊而欲滅萊亦適以自滅已耳。可勿戒哉。

## 齊崔氏出奔衛

管見此稱崔氏而不名。左傳即指定崔杼說。趙氏鵬飛以為崔杼弑君在此後五十有一年。以七十言之則今日之奔直未冠耳。未冠豈能專齊乎。古者四十而仕五十而爵則至崔杼之弑君蓋百歲矣。其故傳亦久。但此所稱崔氏非崔杼必崔天也。又須於傳中求之。僖公二十八年晉侯齊師宋師秦師及楚人戰于城濮。傳稱帥齊師者為國歸父。崔天國氏本公族起懿仲而及國歸父。僖公三十三年齊侯使國歸父來聘。名始見為齊正卿。今惠公時之國佐

即其嗣也。其同事惠公以公族為卿者，惟高氏起於高。僖  
公、莊子、頃子而及今之高固，其位任與國佐差相伯仲焉。  
耳。若崔氏之自出，由丁公之季子食采於崔，遂以為氏。今  
亦不得謂非公族也。而崔天位在大夫，夫豈國佐高固之  
倫哉？而乃適有寵於惠公，其寵之以何？此前之三年中，  
齊侯凡兩伐萊，皆自將。志欲滅萊，乃以崔天嘗會師城濮，  
於晉有功，特命之為前驅。而崔天亦踴躍從事，此足見為  
有寵矣。寵則必遷其秩，而其由軍功起，推者又多，不以次  
焉。彼國高之畏其偪已，職是故也。逮至齊侯之伐萊，未得  
志，適有所傷而還，踰三時不痊，竟卒。立子頃公，必屬國佐。  
高固之二卿為輔，且將遺命伐萊，以卒成其志。即今仍以  
大夫崔天領軍事，專所委任，有功當懋賞之，毋惜爵。是時  
國高之畏崔天偪已者，將並甚，以故即國齊侯元之卒以  
罪崔天，謂其先之伐萊，崔天侍從，戎行疎於捍衛，此復何  
辭？以自解乎？懼而出奔於衛，亦勢所必然矣。出奔於衛者，  
崔天而經，則但書崔氏其故何也？以國佐高固約共專政，

於齊。遂以齊之公族惟國氏高氏。舊稱天子之二守。可與  
比。有室於國氏高氏而外。又參以崔氏而。成鼎足之三。  
乎。去崔氏則崔氏將微矣。故春秋特書齊崔氏出奔  
衛。欲以缺出佐高國之謀。擅齊國有此隱情云爾。

## 公如齊

管見公何以如齊。左傳曰。齊喪也。何以不言奔喪。何氏休  
曰。尊內也。猶不言朝聘。公親奔齊喪。非禮也。而何以必如  
齊。趙氏鵬飛曰。春之公如齊受田而歸。不勝其驕  
然也。故元卒而公復如齊奔喪以報元之賜也。

## 五月公至自齊

## 癸巳陳夏徵舒弑其君平國

管見左傳曰。陳靈公與孔寧儀行父飲酒於夏氏。公謂行  
父曰。徵舒似女。對曰。亦似君。徵舒病之。公出自其廐射而

殺之。二子介楚據此。則是靈公平國。身為鳥獸之行。以招  
孤矢。之如其被禍。亦所應爾。然以大義言之。君雖不君。臣  
不可以不臣。夏徵舒弑君之  
罪。惡得不嚴春秋之斧鉞哉。

## 六月宋師伐滕

管見去年冬十月。書宋人圍滕。雖圍之而未聞其能入。亦  
足見滕之國小而國矣。及此年夏六月。又書宋師伐滕。不  
復用圍而特令伐之。則然。滕之出而與戰也。然滕特堅守  
不出。與前之被圍。宋亦無從得與戰矣。其悻悻於連歲  
稱兵。誠何為者。前圍滕稱宋人。示當貶也。圍滕當貶。伐滕  
豈復不當貶乎。此伐滕稱宋師。明用衆也。伐滕用衆。圍滕  
豈得不用衆乎。經  
文蓋互相足耳。

公孫歸父如齊葬齊惠公

管見自春秋以來魯之會莒他國諸侯但稱莒某公而已從未見於所使會莒之臣揭其名氏者及此宣公十年乃特書公孫歸父如齊莒齊惠公則何以故其意不徒以會莒齊侯非可使異人任也正欲指目如齊會莒之公孫歸父其用事為自今以始耳莒歸父為公子遂之子遂卒於垂公以歸父世其卿將寵任之乃初使之如齊以莒齊惠公也自是以後其為伐邾取郕再如齊及會齊伐莒與夫會齊侯于穀會楚子于宋又如晉歸自晉九年中公孫歸父不絕書直與公子遂之前得志於僖公相埒苟非宣公之薨季孫行父嫉其偏已而逐東門氏則魯之強族豈獨為三桓之鼎峙已哉故春秋於此宣之十年書公孫歸父如齊莒齊惠公所以著其始亦即於後宣之十八年書歸父還自晉至筮遂奔齊所以要其終也若齊之莒惠公以三月其為非禮固已凡諸侯五月而莒其有失之速者殆由不能三年之喪輒忘哀而從退滅故至此禮記檀弓云魯莊公之喪既莒而經不入庫門君喪除又云士大夫

# 晉人宋人衛人曹人伐鄭

既卒哭。麻不入。則臣喪亦除。陳氏浩以為記禍亂。孔迫禮所由廢。然周室既衰。諸侯放恣。豈不有國無故。而亦於既葬除喪者乎。又豈不有以既葬除喪而並不能待之五月。以後者乎。從可知速葬之不如禮。比比而是。葬齊惠公。其一也。春秋欲記公孫歸父之如齊會葬。而其葬惠公之速。亦因之並見耳。若以此條直作譏齊說。則未免失其正旨。

**管見** 明年夏。楚子陳侯鄭伯盟于辰陵。傳謂鄭子良曰。晉楚不務德而以力爭。與其來者可也。晉楚無信。我焉得有信。鄭之謀其國者。總不外此。可知去年冬十月。楚子伐鄭。當不過取成而還。是與其來者也。於時晉卻缺帥師救鄭。亦名而已矣。豈嘗遇楚師哉。晉不能救鄭於楚子伐鄭之時。必反於楚子取成而還之後。咎鄭之與楚也。以故去年冬十月。既書晉卻缺帥師救鄭。此年夏六月。又書晉人宋人衛人曹人伐鄭。此正子良所直斥為無信。為與家氏注。

翁曰楚莊日以彊盛北面而爭諸侯晉人畏然不敢犯荆  
之鋒惟伺其既去乃釋憾於小國是說足申晉與宋衛  
曹並戰以人之意晉之霸業益衰其宋衛曹之從伐齊  
亦非必果能用命其如鄭何哉亦不過取成而還焉耳鄭  
猶是與其來者則已故  
及此年冬楚子復伐鄭

## 秋天王使王季子來聘

管見王季子與後十五年稱王札子為類繫之王則王族  
之近者不必以季字疑為王之母弟季與札皆舉其名耳  
子齒稱如隱桓時之聘使曰凡伯曰渠伯並以伯為爵子  
即居其伯之次者何以來聘由九年夏仲孫蔑如京師以  
畏晉故畏晉何以如京師欲得王之為魯以解於晉俾黑  
壤之不得與盟而止之者有以釋怨而通好也而是年晉  
侯黑臀卒于危立嗣君景公孺王未得有以報魯竊意此  
十年春晉之嗣君當改元或朝王王以魯之情語晉侯景



公。景公。無難辭。是乃有以報魯也。即可知去年夏書仲孫  
蔑如京師。此年秋書天王使王季子來聘。其來聘之非無  
故。固實使其如京師者。得所願矣。後於十七年六月己未  
公會晉侯。衛侯。曹伯。邾子。同盟于斷道。未必不由於此。但  
王必稱天。所以建萬國親諸侯者。豈惟作和事老人哉。且  
其所使來聘之臣。氏繫諸王。爵班於子。亦不可屈之。以掌  
邦國之通事而結其交好也。周禮秋官之屬有掌交。掌以  
節與幣巡邦國之諸侯。道王之德意志慮。使咸知王之好  
惡。辟行之。是掌邦國之通事而結其交好者矣。而其秩則  
為下士。凡王朝之上士中士。例稱名。況下士乎。今天王所  
使來聘者。以王之親從子之貴則其季之名當敬避之矣。  
而乃降膺下士掌交之任。以和諸侯。則即得以下士目之。  
而於氏爵中。又舉其名曰王季子。幾何不。以使臣之上。替並損天王之威重哉。

公孫歸父帥師伐邾取

薛

管見宣公元年秋，邾子來朝。以公子遂之殺子赤而立宣公。或疑邾之不附，必謀伐邾，故來朝以紓患耳。至八年夏六月，公子遂如齊，還及垂而卒。邾將幸其莫于，彘也。所以事魯者，沒不如前。可知此十年秋，公孫歸父帥師伐邾，取繹。此其端與繹杜注邾邑魯國鄒縣北有繹山。今嶧山在鄒縣東南二十里。蓋縣治徙山北也。嶧與繹通，取為俘掠其人，民畜產之類，非能奪其地也。歸父為公子遂之子。公以此年夏使之如齊，莖齊惠公名始見及秋而遂加寵，任命以帥師伐邾而歸父之踵踵用兵，亦得取繹而還，則當其飲至策熟，其炫赫魯廷者，不又將儼然。公子遂之復生也，哉。彼季孫行父之徒，必由是側目。

# 大水

管見秋大水，則殺之秋登者，一空如洗，此不免於饑，可知。

# 季孫行父如齊

〔管見〕季孫行父如齊。不宣事。其繁。承大水之下。則將以告。糴於齊也。昔莊公二十八年冬。大無麥禾。臧孫辰告糴于齊。此事。蓋魯人所稱。通弗裴者。季孫行父之為人。與臧孫辰大相類。觀文公以末年二月薨于臺下。宣公立。莒太子僕弑其君庶其。以寶玉來奔。納諸宣公。公命與之邑。季文子使司寇逐之。公問其故。季文子使太史克對曰。先大夫臧文仲。教行父以事君之禮。行父奉以周旋。弗敢失墜。然則行父之事君。每事皆以臧孫辰為之師也。及此年之秋大水。季孫行父如齊。其為慕效臧孫辰告糴于齊之前事。必可知矣。而春秋則但書如齊。不言告糴。其意云何。亦欲譏季孫行父。徒以告糴。盜虛名。而其不能得之於齊者。魯亦卒苦於饑。焉爾。

## 冬公孫歸父如齊

管見公孫歸父既伐邾。取邾。又謀伐莒。為莒強於邾。必將以齊師濟之。故此年冬。公孫歸父如齊。非有他也。如齊。請師焉。爾。觀明年夏。公孫歸父會齊人伐莒。比本魯主兵。公孫歸父以魯師待齊師之來而合之。曰。會後之。得會必由先之。往。請則知此書公孫歸父如齊。不明言。請師。與上書季孫行父如齊。不明言。告糴。其含蓄不盡處。仍可就經之前後文參互求之。至左傳云。季文子初聘於齊。冬。子家如齊。伐邾。故也。初聘。謂聘齊侯之初即位。其說猶可通。若謂魯伐邾為侵小。恐不免為齊所討。故往謝焉。邾本魯之附庸。於齊無涉。何故畏齊而謝之哉。此其不足奉為定論決矣。

## 齊侯使國佐來聘

管見齊國佐來聘。春秋必特書所使。而目以齊侯者。欲著其一年兩君先之以三月望齊惠公。其志即汲汲於除喪。

即吉。以代其位也。齊既逐崔氏。則國高。無與為三。又國佐班居高固之右。則復幾於獨尊矣。而齊侯比年冬。特聘魯。不使他臣而使國佐所專致者。公也。公之兩如齊。皆以忠公故。春問其疾。夏奔其喪。則嗣君特使重臣拜公之勤。以聘致命。亦禮所宜然。而猶有兼及者。魯之有公孫歸父。亦如齊之有國佐也。歸父以夏六月如齊。莖患公在齊。侯無野之使國佐來聘。既致命於公。豈得不有幣以問公。孫歸父哉。且歸父之冬復如齊。為明年之會。齊人伐莒而先請師於齊也。明年得會之伐莒。則此年之必得所請於齊可知。其國佐之來聘。亦即因以問師期於公。孫歸父並可知矣。

饑

管見莊公二十八年。臧孫辰告糴于齊。齊許之。故書。告糴而不書饑。此宣公十年。李孫行父如齊。亦告糴也。齊解之。

故不書告糴而書餓耳

# 楚子伐鄭

管見去年冬楚子伐鄭晉卻缺帥師救鄭以畏楚而緩不  
連事楚取成而還卻缺雖惡鄭之背晉與楚而亦不敢遽  
伐鄭故於今年夏晉合宋衛曹之師以伐鄭鄭復與晉晉  
亦取成而還由是楚子又惡鄭之背楚與晉也乃以其冬  
自將伐鄭鄭復與楚使楚仍得取成而還凡皆用子良與  
其來者之說焉爾鄭之無信若此春秋不屑悉書則但書  
晉楚之伐鄭者來去相踵而鄭之乍晉乍楚習於翻覆其  
情亦畢見矣至左傳記此楚子伐鄭謂士會救鄭逐楚師  
於潁北諸侯之師成鄭按士會之名初不見於經此視前  
傳之因卻缺帥師救鄭輒稱敗楚師于柳棼者尤為無據  
試思爾時楚之伐鄭楚子在軍士會非其敵而以為能逐  
楚師於潁北何以信之且晉霸益衰其所有之諸侯獨宋

衛曹而已。先之從晉伐鄭，亦屬勉強應命。更安肯分師以戍鄭哉。

十有一年

春王正月

夏楚子陳侯鄭伯盟于辰陵

管見辰陵杜山陳地潁川長平縣東南有辰陵亭故長平城在州西北六十里按此盟於陳地其陳侯必靈公之太子午也攷史記陳世家乃云夏徵舒射殺靈公太子午奔晉徵舒自立為陳侯治未必然春秋於去年夏書陳夏徵舒弑其君牛國及此年冬十月乃書楚人殺陳夏徵舒得先於夏之楚子陳侯鄭伯盟于辰陵即正指其自立之夏徵舒為陳侯哉竊意靈公之被弑由與公孫寧儀行父淫於徵舒之母又以徵舒為戲言故徵舒伏弑於門射殺

之在國。人益怒。靈公以為自作死尊。而於夏徵舒轉多  
起解。初無有執議當誅討者。於時太子午亦未嘗奔晉。徵  
舒乃曰。國人奉而立之。漫及茲踰年。改元而稱陳侯矣。惟  
是公孫寧儀行父已在楚。報曰。與密為楚子謀。使之殺夏  
徵舒。遂說陳以為楚縣。而二子即自請為縣公。以慎守此  
土也。因進圖陳之策。謂滅陳必得入陳。乃可惟所欲為耳。  
但卒然臨之以武。陳不敢出與楚戰。勢將守陴效死。以老  
我師。楚雖環而攻之。其能入乎。將欲以兵取。必先以好。結  
陳侯之立。由夏徵舒。不得已而以父之讐置諸左右。主輔  
相猜。患生不測。陳侯其亦孤危矣。若使楚能就陳地以盟。  
陳侯假之。憑仗使。得定其位。而無恐詎。非陳侯之所樂從  
哉。然或以陳不乞盟。而楚忽就盟。亦將疑楚之用詐。猶足  
狡焉思啟封疆者之所為也。惟將盟陳侯。而復引鄭伯以  
與盟。楚先服陳。而近又服鄭。因合之以盟。修好。亦與桓文  
初霸。必盟於葵邱踐土之意同。並屬衣裳之會而已。復何  
從料其必有戎心而隨以車甲乎。凡皆公孫寧儀行父之



為楚謀其請詭有如此楚子從之以是而此年夏楚子陳侯鄭伯盟于辰陵

# 公孫歸父會齊人伐莒

管見家氏鉉翁曰前伐邾取繹此會齊伐莒皆歸父為國生患求多於小國書之所以譏也汪氏克寬曰伐邾伐莒皆以歸父將重兵而後此會齊侯會楚子皆歸父特會國君以見宣公一德仲遂而寵其子使專權於魯也至筮之逐得非肇端於此與按二說皆咎魯之公孫歸父而不及齊最得解以伐莒非齊之志也但齊不伐莒而公孫歸父之得會齊師者以去年冬公孫歸父如齊即為今年夏之欲伐莒而請師也前請之而今得會之諾不棄信至不後期於齊復何譏焉而春秋亦貶而人之若其意蓋由去年秋魯大水季孫行父如齊在公孫歸父之先將欲告糴於齊以濟饑也而魯卒不免於饑則以齊之解糴使然矣大以秋之季孫行父如齊來告糴也而齊則前之至於冬之

公孫歸父如齊。米請師也。而齊則許之。是齊之於魯。不切於通。樂以救災。獨忍於縱兵。以助虐也。狄速華。惠公之齊侯。與其急逐在氏之國。佐惡得謂之君。惡得謂之卿乎。惟通斥為人馬已矣。

## 秋晉侯會狄于欒函

**晉見**欒函。杜注。狄地。家氏鉉翁曰。楚盟陳鄭。晉不能解和諸侯。而會狄。比事而觀。晉之卑甚矣。汪氏克寬曰。晉景就狄地為會。與僖三十二年。衛人及狄盟。義同。按狄有白狄。赤狄之分。此統稱為狄。則白狄。赤狄。兼之矣。前宣公八年。夏。書晉師。白狄伐秦。是晉當成公黑臀時。白狄嘗為晉用。獨赤狄不與耳。九年。晉侯黑臀。以謀伐陳。卒于扈。陳與楚。楚即以其冬伐鄭。晉卻缺救之不及。鄭亦與楚。十年夏。晉以宋衛曹之師伐鄭。鄭復與晉。而其冬。楚子伐鄭。鄭又復與楚。故及此十一年夏。楚子陳侯。鄭伯盟于辰陵也。是時。楚道強晉之不競。道甚。知晉楚相持。獨以武力。其諸侯與。

晉者。惟宋衛曹皆不足。賴乃思狄以赤狄為尤。然若能引以為助。白狄猶可借之伐秦。亦狄與白狄合。豈不可用之。以伐楚哉。於是晉臣如卻缺者。以狄為負險任氣。召之必不至。若得晉侯辱臨狄境。以會之於接遇間。假之言色。必當率其黨以附。屬於晉。惟所用之。晉侯以為然。遂與為會。故春秋於此年夏。既書楚子陳侯鄭伯盟于及陵。其秋。即書晉侯會狄于欒函。所以著晉楚衰盛之勢。其相形有如此。所會以赤狄為主。如後所稱泓水之泓子。嬰兒與其甲氏及留吁者。是已。禮以會為諸侯相見之名。前之晉師白狄伐秦。不言晉師及白狄。而聯叙之。是儼然以白狄同於諸侯矣。及此晉侯之會狄于欒函。其於赤狄白狄之并為一狄者。並不憚輕身越疆而就見之。是又儼然以狄為大國之諸侯。而晉自此於小諸侯矣。其行事不已偵乎。

冬十月楚人殺陳夏徵舒

吾見此稱楚人者。以其殺陳夏徵舒其名。  
為討賊。其實則欲滅陳。故加之貶絕也。

# 丁亥楚子入陳

管見上稱楚人以貶絕之。此復稱楚子以指目之。欲見所  
稱楚人。即是楚子。非他人也。冬十月。楚人殺陳夏徵舒。其  
殺之以何日乎。即當冬十月之丁亥耳。殺夏徵舒。以日之  
丁亥。其丁亥之日。亦正為楚子入陳之日。固未嘗有異日。  
也。但徵舒在陳。必楚子既入而後得殺之。而經文乃用側  
叙者何哉。據左傳云。楚子伐陳。謂陳人無動。將討於少西  
氏。遂入陳。徵舒之祖名少西。字子夏。陳因有夏氏。夏徵舒  
以去年夏五月弑其君平國太子午。由之以立。危不自安。  
今及踰年改元。稱陳侯。而楚子以其夏至陳。盟陳侯。討其  
罪。伯與焉。將以定其位也。未幾而冬十月。楚子以師伐  
陳。言陳人無動。將討於少西氏。在陳人聞之。猶以衣敗  
其為信。獨謂楚子之霸業。將成。欲伸大義。以為陳侯討。

賊焉耳。因是皆不為動。以聽楚子之入陳焉。然則楚子惟以殺夏徵舒為名。能使陳之有國不攻而自破。而乃得其入陳者。如入無人之境。亦遂可以滅其國而縣之也。春秋欲著其詭謀。故先書殺夏徵舒。而後書入陳。且其殺其入直。可以丁亥。一日為上。下文作牽合。雖書事不無先後。而中間究無遲速之可分。則倒叙亦猶之順叙矣。

## 納公孫寧儀行父于陳

**管見**楚子入陳。因縣陳。凡楚之以大夫守其縣者。稱縣公。今楚子滅陳而縣之。必有守者。其先公孫寧儀行父已在楚。遂於楚子進縣陳之謀。即自請縣陳之日。誓為楚臣。以此於縣公而慎守之。從可知楚子之納公孫寧儀行父于陳者。固已縣陳。而二子之謀皆效。乃如其前所請。而授為大。大使之從楚。縣公以守陳耳。然其後陳卒未滅。而陳侯午亦在位三十年。則申叔時之有以說楚子也。左傳謂楚子縣陳。申叔時使於齊。反復命而退。不賀。楚子使讓之。對

曰夏微舒伐其君討而戮之君之義也今縣陳貪其富也以義討而以貪歸何以名諸侯乎其言中楚子國霸未成之德乃納之而復封陳陳侯得不廢當足之時楚子必以所納之公孫寧儀行父命復為陳大夫時執政也其國陳侯如寄雖仍南面稱孤又何從自別於楚之以大夫為諸公者乎是而知展陵之盟楚子用詐但期有以欺陳侯不患無以對

鄭伯矣

# 十有二年

## 春葬陳靈公

管見此言葬陳靈公蓋改葬也前夏微舒弑其君陳侯平國陳卿公孫寧儀行父奔楚微舒因陳人奉太子午立之則所以葬靈公者並由微舒嗣君莫能主其多關於禮必可知矣靈公以宣之十年夏被弑至十一年冬十月楚子

殺夏徵舒。入陳。納公孫寧儀行父於陳。其在二子之心。必  
有哀於靈公而改葬之者。故於此十二年春。書曰。葬陳靈  
公。蓋深醜陳之公。卿宜淫生相逐。  
死猶相戀。其無所用。恥有如此。

## 楚子圍鄭

〔管見〕左傳云。楚子圍鄭。經三月而克之。入自皇門。至於遠  
路。鄭伯肉袒牽羊以迎。是入鄭矣。入不言圍。而經文但書  
圍鄭。則傳  
非其實也。

夏六月乙卯。晉荀林父帥師及楚子戰于

邲。晉師敗績。

〔管見〕邲杜注。鄭地。今河南開封府鄭州東六里有邲城。按  
是年春。楚子圍鄭。至夏六月而聞晉師救鄭。乃解圍北。師

次於邲以待之。其月乙卯，晉荀林父帥師及楚子戰於邲。晉師敗績，左傳記此戰為甚詳。其敗績之由，如所稱先穀之以剛愎違命，與夫魏錡趙旃之以怨怒召敵者，乃其大端。彼荀林父實專閫寄，而無以節制之，咎將誰歸耶？而究之，亦不盡因乎此。蓋晉與楚之爭鄭，初未有以戰聞者。今以此宣之十二年夏六月，乃及楚子戰于邲，則是荀林父之志乎此戰而及之矣。其志乎此戰，將何所恃恃？其能用伏也，雖經不明言據前後文求之，亦可想見。去年秋，晉侯會狄於欒，函以成公時嘗以白狄伐秦，得其用，亦狄尤強於白狄，乃於此亦狄白狄之合為一狄者，謂於景公以會之定狄地之攢函為會所，其會狄之意亦謂有時用以伐楚勢當無敵，屬在今諸侯之與晉者，雖有宋衛曹之師可盾藉助而一皆無煩於約結矣。是必出之荀林父之謀而晉侯如其請也。然狄人輕而不整，輕則務進，不整則速奔，之軍法最嚴，主將有失，靡不加誅，見於春秋者。此上僖公二十八年有城濮之敗績，楚殺其大夫得臣，此下成公



十六年有郢陵之敗績。楚殺其大夫公子側。而況於卒使。我足知楚師之銳。非狄所敵。當矣。且晉師之用狄人。必使之為前驅。一知不利。則潰而反走。在晉師之處。狄後者。隨風披靡。其會本如林。其亂頓如麻。幾何不以大奔而稱敗績也。耶。晉敗績而楚子得志。方薄北方。為不足圖。鄭復胡能為乎。即命舍之。猶是取成而還已矣。當是之時。所堪嗟者。惟念晉自文襄以來。霸業至今已衰。而復重為楚所挫。郕因是失期。而貽笑於齊秦。亦並無面目。以對宋衛曹也。晉侯將何以為國哉。而其所以及此。則惟誤於荀林父之用狄故。君子曰。謀人之軍師。敗則死之。荀林父。詎不思先有以自裁。與以是而晉侯惟怨狄為甚。而於怨赤狄。則尤甚。既踰二年。為宣之十五年。夏六月。癸亥。晉師滅赤狄潞氏。以潞子嬰兒歸。十六年春正月。晉人滅赤狄甲氏。及留吁。皆以此年戰于郟之敗績。并白狄之罪。以歸之。而加討也。

秋七月

冬十有二月戊寅楚子滅蕭

晉見趙氏鵬飛曰蕭宋之附庸也汪氏克寬曰楚莊滅蕭所以逼宋也按二說並對明年夏之楚子伐宋立解較左傳為得正旨又按古蕭國即今江南徐州之蕭縣是已宋之東南鄙楚將伐宋而先謀滅蕭似從事於僻遠而抑知不然前宣之八年夏楚子滅舒與舒為今舒城縣屬廬州府楚子有其地國將駐師舒城而帥之以趨蕭縣矣蕭縣之與舒城相距其間為今驛路所經計程不及九百里豈得謂僻遠哉楚子既滅蕭亦必據而有之與前之滅舒為同則明年之伐宋其偏師或謀自蕭以入亦一路也

晉人宋人衛人曹人同盟于清丘

管見清邱杜註衛地在濮陽縣東南唐置清邱縣在今直隸大名府開州東南七十里長樂里按此年之同盟於清邱晉侯孺一志也前晉侯黑臀以宣之九年伐陳其諸侯會於扈者宋公衛侯鄭伯曹伯時晉侯黑臀卒于扈其冬楚子伐莒晉卻缺帥師救之不及鄭從楚十年夏六月晉侯孺伐鄭以惟以宋衛曹會師而已其所書晉人宋人衛人曹人皆君也師至鄭復與晉惟楚子爭鄭不已是年冬楚子又以鄭十一年夏楚子陳侯鄭伯盟於辰陵其盟用詐欲滅陳陳亦幾滅故伐鄭之時鄭從楚入陳之後鄭仍背楚也一十二年春楚子圍鄭晉欲伐楚以救鄭使荀林父帥師林父前就晉侯會狄于櫟西將用之以敵楚因是而林父之帥師惟以晉師為主而使狄從之意若不屈宋衛曹之會師者然無何戰於邲而晉師敗績鄭無所賴於晉勢必一於服楚矣彼宋公衛侯曹伯者前嘗與邲伯會於扈其強皆不如鄭且能同於楚乎而不從鄭伯以服楚哉且晉侯不忘鄭之敗績實以深怨荀林父之用

於此。遂舍其與國宋衛曹之師而不用也。獨任非我族類。則其憂之視。將雖苟非急事。刑牲歃血以要之。晉其須於孤危矣。此所由不得已而必盟於清邱也。與其盟曰同盟。皆益以晉侯之於宋公衛侯曹伯。懼其自是不同與晉而皆或於楚。乃為是盟以同之。使之外楚而並不事於鄭伯云爾。豈本為同欲而謂之同哉。本不同欲而特以同中盟之意。是晉侯之務同盟於清邱。初非能取信於宋公衛侯曹伯。而宋公衛侯曹伯之卒同盟於清邱。並非實能推誠於晉侯也。其同盟亦奚以為。故春秋皆書人以示譏焉。人屬微稱人晉侯。足譏其前既不免。邲之敗於楚。將不可復振。亦人宋公衛侯曹伯。足又譏其今雖未為鄭之服於楚。究無以自立也。然則今觀晉宋衛曹之稱公侯伯者。不已令一楚之稱子者視之。若無有我至左傳所載直指大夫之私盟言以晉人為原。載宋人為華椒。衛人為孔達。惟晉人不見名氏。殆未必然。凡大夫之有私盟。不由諸侯會盟。而大夫從君以出。乃無故越疆以相約結。指一地為盟。

所而顯說曰同盟與諸侯等有是事乎

## 宋師伐陳衛人救陳

管見宋之稱師者其大舉也宋師何故伐陳陳已服屬於楚與宋之有蕭以為附庸同此年冬十有二月楚子滅蕭是通宋矣宋憤之而旋以師伐陳欲以報滅蕭之役耳然楚子以去年冬入陳遂滅陳而縣之雖以申叔時之言陳侯得不廢亦特比於楚之縣公而已宋師何以伐為惟楚子封陳侯而納公孫寧儀行父於陳以監其國二子先亡在楚陳靈公之被弑與夫夏徵舒之見殺皆由之則宋師一伐陳必以討公孫寧儀行父為之名也當是之時晉之宋衛及曹方同盟於清邱期相恤而毋相起也既盟而有事於伐陳衛復救之救陳必將敵宋何以絕不顧是月之同盟哉據左傳云宋乃盟故伐陳衛人救之孔達曰先君有約言焉若人國討我則死之注謂衛成公與宋共

公有舊好故孔達欲背盟救陳而以死謝之。此雖孔達之  
婦辭而其隱情亦畢露矣。蓋衛陳之君皆新立孔達之為  
衛卿自成公以來公孫寧儀行父之為陳卿自共公以來  
前時必相與私交有約誓固同志於拯患難趨危急雖至  
死而不避也是足知衛之救陳非將以救陳侯亦欲救楚  
子所約之公孫寧儀行父馬爾宋以師伐衛豈不以師救  
惟孔達此舉必恃其主兵而敢於擅命雖衛侯外陳而不  
許其請亦將自行雖衛侯畏晉而怵以盟之不可背亦時  
惴然不顧矣。觀於十四年春衛殺其大夫孔達其即以是  
坐之罪也夫至於衛亦帥師而但稱衛人者曷譏乎孔達  
無足云人以此人衛  
侯耳臣專則君替

## 十有三年

### 春齊師伐莒

管見十有一年夏公孫歸父會齊人伐莒魯之志也至此十有三年春齊師伐莒不魯魯師則齊之志矣齊何以志乎此是時晉楚爭雄齊獨不與惟是從事於僻陋在夷之國狡焉思啟其封疆已耳其先為齊侯元嘗以三年中一再伐萊至於死而後已亦國之大戒也乃其子齊侯無野繼立既徇公孫歸父之請師助魯伐莒而今又獨以齊師伐之亦不出三年中前後一轍故春秋於齊侯無野凡兩書伐莒正與其先齊侯元之兩書伐萊同皆譏其逞私志以成此妄舉但云伐之而止其功絕無可僥倖者起兵動衆病國病鄰胡為哉

## 夏楚子伐宋

管見楚之書爵慨晉之哀也諸夏之能敵楚者惟晉耳當是之時晉稱侯而不競楚稱子而益橫可以觀世變矣其伐宋之意卓次爾康曰陳鄭宋皆在河南天下要樞也鄭處其西宋處其東陳則介在鄭宋之間得鄭則可以致西

諸侯得宋則可以致東諸侯得陳則可以致鄭宋陳鄭既皆歸楚若復得宋則河南之地盡為楚有矣此說於楚莊之圖北方其全勢為已具他若孫氏復曰楚子伐宋以其伐陳也則特指為伐宋之釁可矣楚子豈徒欲庇陳哉

## 秋螽

管見自隱公至此書螽者四桓公五年書秋螽其一時也與此年同及僖公十五年書秋八月螽不書一時則與統書秋螽者有差矣若文公八年書冬十月螽是謂其既盡秋之一時而又踰時而不除也以視此及桓公時之書秋螽其災殆有甚焉

## 冬晉殺其大夫先穀

管見季氏本曰自戰邲至此已一年有半何為始討其罪乎此疑亦所應有但其稱先穀好剛任直多為同列所排



通當楚又伐宋則歸咎前敗以中先穀是仍未得殺先穀之所由來耳攷史記晉世家云先穀以首計而敗晉軍於河上恐誅乃奔狄與狄謀伐晉晉覺乃放穀然後此案得憑之以定也蓋先穀奔狄既越半年踰年又將幾終乃得於是冬拘至定議殺之其在先時豈嘗置而不問哉春秋以正王法特書曰晉殺其大夫先穀亦謂晉由邲之一戰霸業掃地盡矣其帥師之大夫有先穀者剛愎敗軍遁亡叛主雖未免稽誅而終不至廢刑則其國尚可為也云爾至若先穀既奔狄而復與狄謀伐晉以至殺身不已並滅其族春秋則畧之蓋先穀前有本罪後又有加罪而罪皆當論死則但并而為一罪有加而法無可加也以為死有餘辜則已甚而罪人以族在先王之憲典未嘗有之聖人安肯以示後世哉按晉之用法尤將滅大夫之族則或此殺大夫必有所不得有者邲之敗荀林父將中軍先穀為佐先穀既逝而卒得而殺之殺先穀以前絕不聞晉之殺其大夫荀林父則荀林父之早自殺從可知矣而左傳乃

曰晉師歸林父請死晉侯欲許之士貞伯諫乃止使復其位。今觀其諫辭先稱城濮之戰晉文公聞楚殺得臣而喜其莫予毒遂謂晉再勝而楚再敗晉不當殺林父以成楚之再勝也。其辭既屬詭曲昧心至其卒稱林父之事君進思進忠退思補過社稷之衛也若之何殺之夫其敗也如日月之食何損於明其辭尤覺誕妄無上惡可信哉。

## 十有四年

### 春衛殺其大夫孔達

晉見十二年冬十有二月宋師伐陳而衛人救陳非衛侯之意也。由其大夫孔達私交於陳之公孫寧儀行父故擅命出師以救之耳。將正其罪焉能以不殺乎。然救陳之役歷年一年而大夫孔達專衛侯弗敢問也。據左傳所載殆至十一年冬乃稱清邱之盟晉以衛之救陳也封焉使人弗罪無所歸將加而師孔達曰苟利社稷請以我說罪。

我之由。我則為政。而亢大國之討。將以誰任。我則死之。及此十四年春。孔達縊而死。衛人以說於晉而免。夫孔達為大夫而死於縊。豈嘗有以殺之哉。而春秋則必正之曰殺。所以彰先王之明罰勅法。而誅權臣之侵逼主君也。大夫孔達之縊。緣於晉之來討而自殺。又豈衛能使之自殺哉。而春秋則必別之曰衛殺。亦所以嚴先王之制。幾封國而烈強侯之脅制鄰邦也。

# 夏五月壬申曹伯壽卒

管見自文公九年秋。曹伯襄卒。子壽立。及茲宣公十四年夏。曹伯壽卒。凡在位二十三年。其諸侯同時者。文十三年夏。陳侯朔卒。不書葬。十四年夏。齊侯潘卒。亦不書葬。秋。齊公子商人弑其君舍。不書卒葬。十六年冬。宋人弑其君杵臼。十八年夏。齊人弑其君商人。皆不書卒葬。宣二年秋。趙盾弑其君夷皋。不書卒葬。九年秋。晉侯黑臀卒於扈。冬。衛

侯鄭卒。以六月葬。至十年夏，齊侯元卒。乃並葬。然卒以四月葬，以六月葬，三閱月，書之，通以識其速也。又是年夏五月，陳夏徵舒弑其君平國，不書卒，後然得書葬，則以其被弑於十年夏五月，及十二年春而始得成葬已也。二十有二月，書之，特以識其緩也。惟及茲十四年夏五月壬申，曹伯將卒，秋九月葬曹文公，既得卒葬，並書而其自卒至葬，復有合於五月而葬之，禮此實曹伯同時之諸侯所未嘗有者，可不謂幸哉。

## 晉侯伐鄭

晉見左傳云晉侯伐鄭，為邲故也。告於諸侯，蒐焉而還。中行桓子之謀也。曰：示之以整，使謀而來。鄭人懼，使子張代子良於楚。鄭伯如楚，謀晉故也。按中行桓子，即荀林父是已。邲之戰，晉師敗績。去年冬之救先穀者，亦以此為之罪。且曰：其奔翟而復，與狄謀伐晉，並族之，是晉雖不斃而猶能用法。若使荀林父不早自殺，豈晉侯所能忍而貸之哉。

然則於此年伐鄭之役。仍指為中行桓子之謀。亦已誣矣。且其謀為鬼焉而還。獨事治兵而示鄭人以整。使鄭伯自謀而來服晉。此何以稱伐鄭耶。以蒐於鄭為伐鄭。而鄭伯之惟而自謀。方以子張易前質楚之子良。又自如楚以謀晉。則晉侯之伐鄭。特驅之使服於楚而已。復何從得其服於晉乎。惟據經書。晉侯伐鄭。求之晉侯自將。則欲權歸於一。使羣帥惟所指揮。不至如鄭之不用命耳。其伐鄭以邲之故。不務尋壻於方張之楚。而常求釋憾於屢疲之鄭。其志必欲整軍大舉。親蒞行間。要使鄭伯惟亡為之。肉袒牽羊以迎。而後已也。然春秋但書伐鄭。則其事未竟。所謂伐者。以為聲其罪。則有之。以為卒能致討。則未也。雷轟而來。星散而返。雖不至如前此荀林父之救鄭。及楚而戰。戰而敗績。而晉侯當此亦復靡然於智盡能索矣。

秋九月楚子圍宋

管見楚子以去年冬伐宋。宋人圍城固拒。楚不得戰。遂還。乃以此年秋九月興師。特主於圍宋。以重圍之作。持久計。非漫然出此也。觀其至明年夏。傳記華元言宋之愆。既及易子析骸。而楚子猶用申叔時之謀。築室反耕者。示無去志。則知此圍宋之初。固不至於服宋。而不解也。趙氏鵬飛曰。楚將橫行列國。許蔡已從。陳鄭已服。則次及於宋。宋為列國之門戶。得宋。則齊魯以之。此楚所以必於服宋也。是說得楚子圍宋之本志矣。至本傳稱申舟聘齊。不假道於宋。而宋殺之。此楚子使之舍身任強。以造釁於宋。焉耳。其投袂而起。以圍宋者。豈直為其殺申舟也哉。

## 葬曹文公

### 冬公孫歸父會齊侯于穀

管見卓氏爾康曰。魯西南與宋為界。楚人圍宋。則魯有剝牀以膚之慮矣。是時行父當國。欲使歸父會楚。謀其不免。

但魯素服於齊，恐未得楚庇。先受齊患，故遣歸父會齊侯於穀。一以觀齊、國、楚之志。一以盡已事齊之禮耳。按此說極中。當時情事，但穀在齊之西南鄙，今山東兗州府東阿縣之故穀城是已。距齊都為遠，齊侯何因至於穀，而使公孫歸父得會之哉？殆亦以秋九月，楚子自將，圍宋，既踰時為冬，而未聞其下令解去，因是懼有疆事，乃親往於穀，以翼先備。與着眼穀字，知齊侯之非適然至此，則趙氏所稱公孫歸父之會齊，一以觀齊、國、楚之志者，皆有着矣。

## 十有五年

### 春公孫歸父會楚子于宋

左傳記孟獻子言於公曰：臣聞小國之免於大國也，勝而獻物，於是有庭實旅百。朝而獻功，於是有容覲采章。無淑而有加貨，謀其不免也。誅而薦賄，則無及也。今楚在宋，君其圖之。公說，乃使公孫歸父介楚子於宋，許氏給曰：

楚圍宋之戚振及魯矣。趙氏鵬飛曰：宋與魯為隣，宋去則楚兵至，魯見宋之圍而諸侯畏楚無救也，故懼而求服焉。所以遂楚子之意而弭其兵也。王氏樵曰：楚子圍宋，威未至魯而魯震先，宋之未平而求姻焉，何其益卑乎？孟獻子號賢大夫而謀國若此，亦可鄙也已。按數說皆足發明經旨。

## 夏五月宋人及楚人平

管見楚自去年秋九月圍宋，至今年夏五月始與宋平。既閱三時，宋之德極矣。楚之德不亦甚乎？從可知春秋於此夏五月，書宋人及楚人平，其稱及之義特顯久困於圍之宋公及楚子之師老，食將盡，不得已而欲平，乃獲與之平焉耳。夫楚當圍宋之初，必取此然後歸，宋安敢望平也。久之至於易子而食，析骸而爨，而聽命於楚以平，亦但乞免於城下之盟，以救恥焉。宋公將何以自立而得冠諸侯哉？至論楚之圍宋不解，仍欲取此然後歸，宋又安敢望其與



平也。卒之楚亦但有七日之糧。強復築室反耕者以示不  
去。使宋懼而受平於楚。而宋必期去我三十里。乃能聽命。  
要亦不得不忍而退舍。以挫勢焉。楚子復何以自雄而欲  
荊諸侯哉。故其並從退例曰。宋人楚人特以人宋公人楚  
子也。說者乃謂宋人為指華元。楚人為指子反。殊不確。致  
二臣當時在軍之行跡。具詳傳中。如公羊稱子反乘堙以  
闚宋城。宋華元亦乘堙而出見之。與之語。子反從楚子圍  
宋已久。奈何有堙可乘而因之以克宋城耶。又左氏稱  
華元夜入楚師。登子反之牀起之。以病告。華元從宋公拒  
楚子之圍。宋亦已久。奈何不遂殺子反於牀而因之。懼楚  
以。及楚師耶。若據此以核其罪。華元子反皆不忠於其  
人。乃國賊也。並不可以為人矣。惡乎以人貶之。且春秋貶  
例。於侵伐則入諸軍事。雖使卿將。初無但斥其臣而不及  
主國之君者。況此圍宋之役。實為楚子。拒楚子圍宋之役。  
實為宋公也哉。

# 六月癸卯晉師滅赤狄潞氏以潞子嬰兒歸

晉見潞氏杜注赤狄之別種今山西潞安府潞城縣即其地也縣東北四十里有古潞城按赤狄潞氏以有爵稱潞子蓋即赤狄之長不必指為別種凡國之興師使卿將必稱帥師此但稱師者著晉侯之自將耳晉師滅赤狄潞氏以潞子嬰兒歸其故維何當宣之十一年晉侯聽荀林父之謀會狄于欒函以狄有白狄赤狄而赤狄較強晉嘗以白狄伐秦因使晉侯並合赤狄而會之將以偪伐楚也明年為宣十二年晉師及楚子戰於邲晉師敗績蓋由荀林父以狄為前驅而狄先奔晉師隨之故敗績也經特歸罪荀林父而已於他將皆從畧何有於狄哉而晉侯之務明軍法則未嘗有所貸矣師還之日荀林父將中軍既早自致其佐先穀以剛愎違命因致喪師罪當誅乃逃於狄蓋

獨傳赤狄之強。以自庇耳。既踰年。為宣十三年。其秋乃得執先穀殺之。晉侯以邲之敗績。由於狄。赤狄猶可分。誘於白狄也。至其匿遁。臣先穀使偵車之。將稽誅而軍。法不正。赤狄復何所該咎與。故既殺先穀以後。更越一年。而及茲宣十五年。晉侯必欲盡滅赤狄而後已焉。但赤狄不惟潞氏而潞氏其首稱者。必先滅之。將滅潞氏。其潞子嬰兒為潞氏之長。亦即為赤狄之長。是又必得執之。然後潞氏乃卒滅。而赤狄亦可期於盡滅也。以是而晉侯整軍大舉。親蒞行間。遂得於此年夏六月癸卯。晉師滅赤狄潞氏。以潞子嬰兒歸。轉視此前四年之夏六月乙卯。晉荀林父帥師及楚子戰於邲。晉師敗績。南挫於楚者。猶獲北伸於狄。亦復差強人意也夫。

## 秦人伐晉

晉見高氏閔曰。自宣公二年。秦師伐晉。晉不報秦。今十四年矣。此復來伐者。乘晉兵畧狄土而闢其虛也。故亟而人

之。按此秦人伐晉與晉侯之用師於狄同。月其為秦晉之  
虛亦審矣。倘不料晉之遂滅赤狄潞氏以潞子嬰兒歸也。  
晉師既滅潞氏執潞子適聞秦之伐晉則晉侯必命以潞  
子歸而亦自以其師歸矣。晉侯負其滅潞氏執潞子之威  
亦以歸秦特訝其克赤狄之速而大獲若此而伐晉之師  
亦退故經文但書伐晉而止欲以著其無功云爾而尤不  
惟此也。赤狄首潞氏其他若甲氏及留吁非黨於潞子嬰  
兒者哉。晉師既以此年夏滅潞氏而其黨為甲氏及留吁  
未得與潞氏俱滅猶有待於明年春  
之再舉則亦以此秦人伐晉故然。

## 王札子殺召伯毛伯

管見王札子為王族之近者故繫之王札其名子其爵也。  
說見前十年秋天王使王季子來聘其殺召伯毛伯之故。  
據左傳云王孫蘇與召氏毛氏爭政使王子捷殺召戴公  
及毛伯衛注謂王孫蘇與召伯毛伯三人皆王卿士王子

捷。即王札子。按此傳為得實。周之卿士為六卿之都官。執政位最尊。隱公三年傳云。鄭莊公繼武公為平王卿士。王或於虢。鄭伯怨王。是卿士之執政。惟一而已。至隱八年傳云。夏。虢公忌父始作卿士於周。而其九年傳又云。宋公不王。鄭伯為王左。卿士以王命討之。注謂其時周人雖升虢公政。鄭莊公猶為左卿士。稱左則有右。惟以右為尊耳。至此則卿士執政。復以分左右而有二矣。前有鄭虢。後有召伯毛伯。未嘗或異也。何以及今宣公十五年。為周定王之十二年。乃復於召伯毛伯兩卿士之外。頓參以王孫蘇。而為三乎。殆以召伯毛伯之執政。並以專濟其貪。乃特增一卿士以為之糾核焉。爾。觀於文公九年。周頃王初立。其春有毛伯來求金。謂求文公前賂襄王所未歸之金也。初文公元年。有僖公之喪。以金賂襄王。由是王使叔服來會葬。既葬。王又使毛伯來錫公命。後文公五年。有僖公母成風之喪。再以金賂襄王。由是王使榮叔歸含且賵。將葬。王又使召伯來會葬。其寵榮有加。以賂重故。府藏不給。乃有至

宣王既崩而仍未盡歸者此毛伯所以來求金與索賂由  
毛伯則先之納賂亦必由之彼其生平之賄貨無厭尚何  
待言哉至於召伯即昔之襄王所使會成風之莖者傅於  
彼指為召昭公於此又指為召戴公與毛伯之總為毛伯  
衛者有別殆不足據也計此定王之二卿士首筆召伯則  
王右之而以毛伯為左卿士矣左當讓右若召伯為召昭  
公之嗣與毛伯非同時為卿豈得於其進為卿士而右於  
毛伯哉總之自襄及定召伯與毛伯並見於經其召伯之  
謫昭則皆昭戴則皆戴以為兩召伯者誤矣召伯毛伯在  
襄王時同為卿皆嘗出使於魯毛伯之來以錫公命召伯  
之來以會莖成風魯昭王惡得不賂王卿耶然則召伯之  
嘗趨貨賄為王兼以自為亦一求金之毛伯已耳周頃王  
立六年崩匡王立當文之十五年及宣公二年匡王崩定  
王立而襄王以來之召伯毛伯進為左右卿士舊皆逢君  
嗜利歷四朝共事無所猜至是執政必相與以專濟其貪  
也專則浸而偏主貪則惟以營私王不能堪乃增設一卿

士分其政。委任王孫蘇。使冠於召伯。毛伯之上。召伯毛伯不能下之。王孫蘇則因以爭政矣。爭之不得。遂動於惡。乃使王子捷之為王札子者。因召伯毛伯入朝。同在執政之所。輒迫而殺之。皆遇害。夫殺召伯毛伯者。王札子也。其王謀使殺之者。王孫蘇也。然王孫蘇之謀定。王亦與知焉。故既殺召伯毛伯。而王不問其究。惟念召伯之後不當絕。議立召襄於毛伯。則未始加恤也。

## 秋蝨

〔管見〕書秋蝨。盡一時也。與前十三年書秋蝨同。但此年再書冬蝨生。蝨為蝨之子。其遺孽復作。是又有不同者。

## 仲孫蔑會齊高固于無婁

〔管見〕去年冬。公孫歸父會齊侯于穀。白其將會。是子於宋。今年春。楚子固宋未解。公孫歸父會楚子于宋。及夏五

月。宋人及楚人平。歸父皆親見之。既還齊侯殆欲假聞使  
于之。意象與夫見歸父之言色亦並及其聞宋平宋之情  
形也。乃命其卿為魯圻者之高固。至于無妻得就魯臣  
而問之耳。無妻地名舊無的指度州依於前會齊法之殺  
以求乃為近是。不然則姑闕焉。至於在無妻者為齊高固  
有所欲聞。非由齊侯召問亦可無事。公孫歸父之面陳也。  
故魯特以仲孫蔑會齊高固于無妻。歸父不行。

## 初稅畝

管見按賦稅二字多通稱。此獨書稅畝。與賦其田之義同。  
安見其為加歛以病民耶。今攷稅字从兒。字典云。一頓兒。  
馳易也。唐丁仙芝詩。十千兒得餘杭酒。然則兒之為馳易。  
即與俗稱兌換相符。乃交易之謂也。古者日中為市。致天  
下之貨交易而退。各得其所。而貨通焉。後世有司市之職。  
其廛人掌市。紬布總布。質布。罰布。廛布。肆汙布。泉也。廛布。



者。貨。賄。諸。物。卹。舍。之。稅。又有司門掌授管鍵以啟閉國門。幾出入不物者。正其貨賄。鄭注。正。讀。為。征。征。稅。也。又有司關。掌國貨之節。以聯門市。司貨賄之出入者。掌其治禁。與其征。屢。鄭注。征。屢。者。貨。賄。之。稅。與。其。所。卹。舍。也。並見周禮地官。此所謂稅。皆與。允。義。關。合。至其偏旁。从。禾。從。欲。借。明。商。賈。之。納。財。與。耕。農。之。納。穀。其。例。為。一。云。爾。故。賦。稅。每。多。通。稱。而。其。實。則。受。田。之。夫。惟。有。如。禹。貢。所。稱。賦。者。而。止。慈。得。於。賦。之。外。別。生。一。稅。法。手。反。茲。魯。宣。公。之。十。五。年。秋。穀。穀。不。登。多。貧。乏。不。能。自。存。遂。忍。而。棄。其。產。其。交。易。亦。復。紛。紛。矣。而。宣。公。於。此。乃。忽。思。以。市。與。門。關。之。法。行。諸。井。野。即。令。國。中。之。以。田。售。有。力。者。並。由。官。吏。掌。其。賣。債。司。其。質。劑。因。而。額。征。其。布。以。為。稅。焉。此。宣。公。以。前。所。未。嘗。有。故。春秋。書。曰。初。稅。畝。所以。張。其。作。法。於。涼。賁。使。後。嗣。滋。今。願。工。誅。求。也。其。初。於。田。增。稅。不。曰。稅。田。而。曰。稅。畝。者。田。以。畝。計。自。一。至。十。百。千。萬。以。上。皆。因。之。乃。賦。稅。以。著。其。田。之。無。少。遺。漏。並。不。容。有。所。隱。匿。其。稅。之。嚴。核。復。如。此。

# 冬蟪生

晉見賈氏仲炎曰。蟪始生者為蟪。蟪飛蔽天。或來自他處。不必見其生也。故不曰蟪生。蟪生於境內。見其生也。故曰蟪生。按蟪即蝗之別稱。一生九十九子。既害稼。則育卵於土中。得氣復滋。惟雪以壓之。乃使入地深而不得出。禮記月令云。孟冬行春令。則凍閉不密。地氣上泄。行夏令。則方冬不寒。蟪蟪復出。仲冬行春令。則蝗蟪為敗。此足據以得秋蟪而冬蟪生之由來矣。

# 饑

晉見秋蟪而冬蟪生。民之饑不待言矣。其書者。著宣公之饑。災不惟方。謀稅敢以攘利。惟坐視其民之饑而死耳。

# 十有六年

晉王正月晉人滅赤狄甲氏及留吁

管見甲氏留吁杜注赤狄別種胡氏注留吁赤狄之殘邑晉滅赤狄甲氏留吁遂為晉邑謂之純留水經注云絳水經屯留故城即故留吁國也今山西潞安府屯留縣南十三里純留故城是已按高氏閔曰書及者所以別二族也此說足正胡注之誤再按狄有潞氏甲氏則留吁亦氏也蒙上甲氏而從省耳其氏皆因所踞之地而名之謂赤狄之本氏有此別種者非是前潞氏在今山西潞安府之潞城縣即赤狄之長其黨則甲氏留吁為最著胡注既以留吁屬今潞安府之屯留縣則屯留之南有長子縣亦可即指為甲氏所在矣地志長子治西有丹朱城唐十道圖堯長子丹朱所築則赤狄之甲氏亦或蒙長之義而稱甲與甲首十干於長義近去年夏六月晉師滅赤狄潞氏以潞子嬰兒歸其赤狄猶有甲氏及留吁晉師未得一舉而滅之者以適聞秦人伐晉而還事未竟故及今年春正月乃

復以師滅赤狄甲氏及留吁。晉之再滅赤狄時。晉侯自將。前王稱晉侯而稱晉師。危其用。旅也。不可衰。此並不稱晉師而稱晉人防其黠武也。當用與。

## 夏成周宣榭火

管見宣榭公穀皆作榭。好異而無義。當以經正之。昔宣王曰。我南望三塗。北望嶽鄙。顧瞻有河。專眺洛伊。無忘天室。營周居於洛邑而後去。蓋周都鎬京。以洛陽為門戶故作東都。曰成周。置戎兵守之。每歲天子親往校閱。遂以狩田。詩小雅瞻彼洛矣篇。思古也。其首章曰。緜緜有虎。以作六師。則周先王之於成周。講武此其微矣。至二三章。君子萬年。保其家邦。保其家室。而成周之所以言成。不亦昭灼已哉。又小雅有車攻篇。美宣王之復古也。其首章曰。我車既攻。我馬既同。四牡龐龐。駕言徂東。是謂宣王之中興。既克北伐玁狁。南征荆蠻。乃復大會諸侯於東都成周。欲

以作六師而講武也。校閱為作六師之始事。狩田為作六師之終事。故自二章至七章皆言宣王之狩田而卒乃結之曰之子于征有問無聲允矣君子展也大成皆幸其中興之盛不失成周之所以為成者實足保其家邦家室而無壞此丕基云爾。因是而成周有宣王講武臺臺上架木為屋無室無東西廂欲前而無壁是為宣榭。歷十一世至定王時猶歸然獨存。忽以此魯宣公之十六年夏燬於火。春秋書之。李氏堯俞曰王業日壞求其如宣之盛既不可得而見而王之迹人煨燼發掘之也。至於以宣榭為宣王之廟公穀皆同。並謂其有樂器藏焉。胡傳亦云。呂大臨考古圖有邠敦者稱王格于宣榭呼內史策命邠。是知宣榭者宣王之廟也。古之爵有功必於太廟示不敢專也。說者多駁之亦不盡允。蓋宣榭始於宣王於臺上架屋延及文王已二百餘年。若聽其為荒臺榭復何有哉。竊意東遷以後常加修葺其每歲至秋校閱因之狩田必選宣王之主于榭以祀之如類禘之禮則以為宣王亦得與夫樹有藏

鼓或為前宣王半中之所用者如鼓鐸錫鏡之類又何不可以樂器作通光耶惟考古國之邦教似涉附會然邦之廟祭命必屬武臣以功歸而值王在宣榭乃呼內史策命和邦志猶救其事亦偶有之但不得以宣榭之亦為廟者泥耳

## 秋邾伯姬來歸

管見僖公九年秋七月乙酉書伯姬卒其伯姬亦既嫁而來歸者因其不安於夫家而自來歸非出之也故其先之來歸不書及其卒而後書而惟不繫之所嫁之國欲以著其自絕焉爾至此伯姬之嫁既歸於邾子其來歸也繫之以國曰邾伯姬則由邾子與之絕而出之使使者將命曰寡君不敏不能從而事社稷宗廟使使臣某敢告于執事與彼伯姬之自來歸而非出者不同是則魯之兩伯姬其皆失從人之義以乖婦順各有咎也而春秋書法亦必使

之犁然有  
辨蓋如此。

# 冬大有年

管見去年秋螽而冬蠧生魯方乘災稅畝民之饑欲死豈所念哉及今年冬而得當大有年五穀皆不熟謂之大侵五穀皆熟謂之大、有、年。並於其冬計之。汪氏克寬曰。春秋之書此大有年者。既紀天時之復常。又以憫魯國之民苦饑無所望於稅畝之君。獨賴天心仁愛雖降此螽蠧而猶不秋生民之晝殄也。不然則人類幾乎絕矣。

## 十有七年

春王正月庚子許男錫我卒

丁未蔡侯申卒

# 夏葬許昭公葬蔡文公

管見季氏本曰是時許蔡從楚皆來訃喪而魯往弔焉見魯亦與楚通矣按此因前十五年春公孫歸父會楚子於宋立說亦有據再按許男蔡侯同以春正月卒及夏皆葬以後乃書夏六月日有食之則自其卒月以及葬時俱有合於諸侯五月而葬之禮許昭蔡文何以能得此哉蓋由楚師不出而許蔡之從楚者得不供其資糧靡屨適而寧處乃克遭喪以從喪禮若此耳初楚子恃其威力圖北方制霸蔡本久從楚許亦因之由是有事於陳及鄭亦先後與于楚進而伐宋不服再圖宋凡閱三時積月之十累日之三百乃及宋平而還宋憊而楚亦憊不能更謀大舉故盡平宋後之半年又更一年而及茲宣公十六年之春與夏其許蔡不須竭蹶以給楚師之供於是並有君喪並得治喪如禮初無失之速亦或失之緩者附此以為季氏廣一說焉



六月癸卯日有食之

己未公會晉侯衛侯曹伯邾子同盟于斷道

**管見**此宣公十七年之夏六月公會晉侯衛侯曹伯邾子同盟于斷道與前十二年之冬十二月晉人宋人衛人曹人同盟于清邱皆晉侯之志也清邱之盟有宋人衛人曹人而無鄭人由其先救楚子之圍鄭而戰于邲晉師敗績鄭與楚皆失鄭矣及此斷道之盟則並無宋公惟有衛侯曹伯則又以其先楚子伐宋再圍宋宋人及楚人平而晉復失宋也不寧惟是當楚子圍宋久不祥晉使公孫歸父會楚子于宋不尤慮晉之未嘗盟晉而晉亦與楚哉故晉於此盟特使徵公而公亦應命不如清邱之盟公不得會並不如晉侯黑臀之盟于黑壤公雖會而亦不得與盟也

至於此年六月己未公會晉侯衛侯曹伯而邾子亦從其後者。非必晉侯召之。獨欲自附於魯而已。楚子之圖宋其威足以振魯。彼公孫邱父之會楚子。庸得已乎。邾介魯宋之交。雖進爵為子。微國也。此其懼而趨赴大國之會。且盟以託其國。宜矣。若夫盟稱同盟。本以其同欲也。此則借以中盟之意。獨謂恐其不同而盟以同之耳。計晉之與國以宋為尊。以鄭為強。晉先失鄭而為清邱之盟。欲使宋及衛曹之得同於晉者。無或牽於鄭以從楚。晉復失宋而為斷道之盟。亦欲使公及衛曹邾之猶得同於晉者。無或牽於宋以從楚也。其是之謂同盟。與彼盟並書人。此盟並書爵。互見也。其清邱所一例人之者。即實為晉侯宋公。微侯曹伯與斷道之盟。通觀之可矣。其斷道所一例爵之者。惟公不可。人其他則得稱晉人衛人曹人邾人。與清邱之盟。通觀之亦可矣。總以讓其非同欲而執同盟。當其刑牲歃血。皆有不可以質明神者。

# 秋公至自會

管見宣之七年冬公會晉侯宋公衛侯鄭伯曹伯于黑壤此晉侯為成公黑臀怒公之棄晉不若前文公之勤使公不得與盟且止之既改歲為八年春乃書公至自晉辱莫大焉及茲十七年之夏六月己未公會晉侯衛侯曹伯鄭子同盟于斷道此晉侯為景公孺其微公以會且盟者因楚子前圓宋公使公孫歸父宋會楚子遂疑公外晉而從楚耳既會與衛曹鄭同盟于斷道晉侯亦釋然公還故自是年季夏六月踰時為秋即書公至自會蓋獨幸其免於黑壤之辱不至以不得與盟而復止之已也

## 冬十有一月壬午公弟叔肸卒

管見此書公弟叔肸卒公羊無文左氏但辨公弟兩字於叔肸亦未有所稱述也獨穀梁傳云其曰公弟叔肸之

也。其貨之何也。宣弑而非之也。非之則胡為不去也。曰。兄弟也。何去而之。與之財。則曰我足矣。織屨而食。終身不食。宣公之食。君子以是為通恩也。以取貨乎春秋。胡傳中。之曰。公子為正大夫而書卒貴也。不為大夫而特書卒賢也。或以為叔胥寵弟。在宣公有私親之愛。故生而賜氏。俾世其卿。則其說誤矣。誠使叔胥有寵。生而賜氏。則是貴戚用事之卿。豈有不見於經者。齊年鄭語在外之見於經者。季友仲遂在內之見於經者。勢必與聞政事。執國命矣。况宣公之時。傾於聘問會朝之禮。遂茂季孫歸父交于鄰國。衆矣。而獨叔胥不與焉。其非生而賜氏。俾世其卿。亦明矣。按此特據叔胥之不前見於經立斷。知其未為大夫。不屑與魯卿仲遂等為伍。則公羊所稱以宣弑而非之。與之財。不可信為叔胥生平之行跡矣。

# 十有八年

# 春晉侯衛世子臧伐齊

○見此伐齊之役。雖晉侯主兵。而實由衛侯請於晉侯。以伐之者。觀後成公二年。齊師伐衛。至衛之新蔡。衛孫良夫帥師及之。戰。衛師敗績。是即齊之所以報衛也。已。然衛與齊初無怨。何為請於晉以伐齊。蓋晉之卻克怒齊欲伐齊。自請不得。命乃復陰使衛侯請之。故爾。左傳言去年春。晉侯使卻克微會于齊。齊侯頃公。惟婦人使觀之。卻克跛而登。婦人笑於房。卻克怒。出而誓曰。所不此報。無能涉河。遂先歸。使樂京廬待命于齊。卻子至。請伐齊。晉侯弗許。請以其私屬。又弗許。齊侯使高固。晏弱。蔡朝。南郭偃會。及欽孟。高固逃歸。夏六月。會于斷道。解齊人。晉人執晏弱于野王。執蔡朝于原。執南郭偃于溫。是則晉侯固有伐齊之志矣。及苗賁皇入言。執齊使以懼諸侯。非國之利。晉人緩之。逸晉侯亦豈必迫求有以逞憤于齊哉。乃既自斷道。還其同盟之衛侯。獨使請于晉以伐齊。顯以衛師從而則晉。則克

之使也。邲克何能必得之於衛侯。蓋衛有孫良夫。猶晉之有邲克耳。邲克私於衛孫良夫。孫良夫又私于衛世子臧。衛侯惡得而不聞之。且伐齊之請足以拒晉侯。並足以結邲克。衛侯度其有裨于衛也。則衛使必行。又斷道之同盟。急來則齊已孤矣。而衛特因斷道同盟之故。請晉伐齊。而以師從。晉侯亦將度其足以得志于齊也。則晉師亦必出。因是而定師期於此年春。晉侯自將。而以衛世子臧共伐齊也。按此後成公二年夏。晉敗齊侯于鞌。獨使邲克帥師。而此乃自將者。入春秋以來。經二百三十一年。晉之主兵伐齊。前未嘗有。故晉侯亦慎重此舉。初不憚親蒞戎行也。與晉侯自將。則衛侯之以師從。亦必自行也。於時或偶遇疾。既以孫良夫治其軍。而猶復使其世子臧為之監軍。俾得常左右于晉侯。以自代耳。故經於是年春。特書曰晉侯衛世子臧伐齊。伐之如何。左傳言十八年春。晉侯衛太子伐齊。至于穀。齊侯會晉侯盟于綰。以公子彊為質於晉。晉師還。據此。則知齊之禦晉。惟事圍城堅守。不戰而使。請

盟以。示莫敢抗。晉而已。晉侯更何所望於齊而不以師還。我。因是但書伐齊。譏其漫勞軍旅也。其繒之盟亦非以結信並畧之。

# 公伐杞

**管見**此杞亦夏之後。稱杞子。不緹杞伯。乃商以前所封者。在今山東青州府之安邱縣。與魯之東鄙相接。杞入於夷或不靖而侵魯。疆故公伐之。杞微國。其來侵不足書。因但書公伐杞。以該之。使知所以伐者。特以止其侵而已。或以前文公十六年。嘗書杞伯來朝。而今不復至。故伐之。不知彼為杞伯。與杞子異地。乃周所封。以備三恪。在今河南開封府之杞縣者是也。與魯世為婚姻。如前乎此。有伯姬歸于杞。後乎此。有杞叔姬來歸。皆指今杞縣之杞伯。言與此公伐杞之杞。但為今安邱之杞子者。豈可混而一之哉。

夏四月

# 秋七月邾人戕鄆子于鄆

管見邾人即指邾子非他人也。凡陰謀殺人者使賊及之其潛起不及周防其主使不可遽得是之謂戕此宣公十八年秋七月或戕鄆子于鄆知其為賊而不審誰實使之已而捕得賊賊吐實定指邾子春秋乃舍賊而罪其使賊者賊而人之曰邾人戕鄆子于鄆竊嘗揣其戕之之故前信公十九年鄆子會盟于邾邾人執鄆子用之其用字項上會盟之盟字說謂執鄆子而取其耳血以用之薦神有如牲也。嬰莫大焉其事距今五十年前之鄆子抱恨以沒則凡後之嗣世為鄆子者惡可忘諸及茲魯宣公時有鄆子不詳所系名亦佚其志圖報復則孔殷徒以屈於鄆之小弱莫能敵邾以明加誅討乃陰求死士特厚養之鄆子於此將使竄入於邾邾因乘間以戕邾子於邾耳事或洩而



邾人覺之。彼於所聞。執用邾子之非法。放尤未已。凡攻難之士。有能艱難其身。以險危大人者。皆奔走之。邾子於此。遽先使竄入于郕。急乘間以戕邾子于郕。焉嗟乎。邾子欲報先世不共戴天之讐。計無所出。而忍假手於屠門刺客。卒之無能得願。二轉致自災厥身。此其志亦可哀也。已。春秋於邾稱人。而於邾子猶存其爵。殆以是夫。

## 甲戌楚子旅卒

〔管見〕王氏錫爵曰。楚莊亦一時之雄也。然肆其強暴。而宋鄭陳皆被其毒。所為貪欲之事。非有假仁義以王天下之功說者。乃以桓文竝稱。豈不誤哉。據此。則春秋於宣公十八年秋七月甲戌。書楚子旅卒。蓋幸之也。以為中國之難得自是稍紓焉爾。

## 公孫歸父如晉

管見公孫歸父如晉季孫行父使之也。於時將謀逐東門氏東門氏惟一公孫歸父。弱仲遂為卿有寵於公。使之如晉。則國而遺其家者。易矣。何為如晉。殆以此年春晉伐衛。世晉藏伐齊。齊侯不敢戰而請盟。遂盟于繒。是晉侯為可也。也。況斷道之同盟。公與衛侯俱在。衛久事晉。而魯為始。通伐齊之役。衛從以師魯。不與。則當共盟齊而還。魯得不為晉侯賀乎。公孫歸父之如晉。就經文求之。當不外此。而左傳則謂歸父欲去三桓。以強公室。與公謀而聘於晉。欲以晉人去之。多可疑者。觀下書冬十月壬戌。公薨于路。其距歸父如晉之七月。纔兩月耳。公亦沒有不步。抑矣。歸父猶能為公謀去三桓。而使公必聽耶。再觀下書歸父逐自晉。及筮遂奔齊。此由季孫行父逐之。遂不得反於其家而奔齊耳。夫歸父如晉而還。並莫能恃晉人。以保東門氏。又焉能恃晉人以去三桓。強公室耶。凡皆季孫行父之策。故為歸父去。三桓之陰謀。借以益行父。逐東門氏之妄舉而已。不宜泥以為實。

冬十月壬戌公薨于路寢

歸父還自晉至笙遂奔齊

管見季孫行父之逐東門氏其設心已久。知此年秋七月。使之如晉。即擬及其還時使人止諸塗。次毋得入魯。亦旋盡具其帑與其器用財。以謝致。橫境任所適耳。惟當歸父如晉時。公方有疾。閏兩月大漸。即以其冬十月壬戌薨于路寢。季孫行父以為欲逐東門氏適逢此會。不可失也。遽宣言於朝曰。使我殺適立庶以失大援者。仲也。夫臧宣叔怒之。而不敢違。乃曰。當其時不能治也。後之人何罪。于欲去之。許即去之。遂逐東門氏。是先遣其家以示靡所止居也。尚何昭乎。及歸父自晉還至笙。笙為魯境壇。惟復命於介。既復命。袒括髮即位。哭三踊而出。遂奔齊。其事具詳左傳。凡時季孫行父使伺歸父于笙。至則竊其車馬僕從。聲言有命逐東門氏也。何以逐之。謂東門氏殺適立庶。罪未得。

討而殺歸父為之後。倘有爵祿於朝。畜妻子於國。非法也。不明而流放者之。以奔可矣。至於使臣未反而君薨。有復命之禮。亦有失臨之禮。自至於殯前而行父早令設壇。惟以饋飭有司。詔相畢其事。馬歸父獨辦一奔已也。他何知乎。其奔齊者。歸父之父仲遂以宣公之故。數如齊。其時為齊惠公。宣十年。惠公卒。公孫仲父如齊會。其莖十一年。復會齊師伐莒。十四年。又復會齊侯于穀。則歸父之揭其家以奔齊。亦有因矣。